

69  
2  
110

洞上佛事編  
下

69  
2  
110

增補正  
洞上佛事編  
作例編  
下卷

法雲普蓋禪師題字  
豐國洞傳老師題詩  
岸和田一雄師編纂

附例編

增補 勸正 洞 佛事 圖 丁 卷

東京

森江發行



頤頤

頤頤

申 監



東

本

增

同

益

益

崇

田

一

城

新

無

事

事

三石園

孫少子



少子

孫

少子

孫

三教圖

卷之二



贊

河上仙事

新錄

仙傳

出風

洞上佛事編下卷目次

七

洞上佛事編

### 洞上佛事編下卷目次

#### ○第壹編 上堂部之例

● 晋山法語	一	頁
● 開堂法語	一	二頁
● 小參示衆	三	三頁
● 結制上堂	四	六頁
● 半夏上堂	四	九頁
● 解制上堂	五	一頁
● 滿戒上堂	五	四頁
● 佳節上堂	五	九頁
● 退院上堂	六	四頁

附錄

○晉山法語之式并圖……………六六頁

○上堂法語之式……………六八頁

○第貳編 法式部之例

●般若慶讚……………六九頁

●羅漢供養……………七一頁

●施餓鬼會……………七四頁

●入佛供養……………七六頁

●款佛會式……………八〇頁

○第參編 香語部之例

●祝聖拈香……………八三頁

●佛忌拈香……………八六頁

●祖忌拈香……………九二頁

●開山遠忌……………一〇四頁

●尊宿年回……………一一〇頁

●亡僧年回……………一二七頁

●亡靈年回……………一二九頁

附錄

○拈香式并圖……………一四〇頁

○小拈香之式并圖……………一四四頁

○第四編 秉炬之部

●尊宿秉炬……………一四六頁

●亡僧秉炬……………一五四頁

●在家引導……………一六二頁



●起龍鎖籠……………一九三頁

●點茶點湯……………一九九頁

●安骨入塔……………二〇五頁

附錄

○下炬之式并圖……………二一三頁

○鎖籠之式并圖……………二一八頁

○起龍之式并圖……………二二一頁

○點湯點茶之式……………二二四頁

○取骨安骨之式……………二二四頁

○第五編 雜錄之部

●安座點眼……………二二五頁

●塔婆銘文……………二三〇頁

●祭文諸疏……………二三四頁

●畫像贊辭……………二五〇頁

附錄

○塔婆銘式并圖……………二五九頁

○祭文之式并圖……………二六一頁

○諸疏之式并圖……………二六三頁

○贊辭之式……………二七〇頁

○四六文鑑……………一頁

增訂  
補正

# 洞上佛事編下卷

(作例篇)

岸和田一雄編纂

此編所錄二百六十有餘篇總可足為作例指南者則先抄錄于茲以供讀者之參考讀者宜咀嚼玩味也若夫如句法圖式則至後間々可有所摘解指示讀者乞諒焉

## ○第壹編

上堂部之例

### ●晉山法語

○清涼山心月院進山

(章山書龍和尙)

山門

十方廓落。脚下絕埃。若信得者。(指門云)入這裏來。  
擊。誰言四面門相對。無限輪鎚擊不開。

佛殿

誰道竹節鞭。誰言乾屎橛。吾近前而看。二嚴美似月。  
大眾還要見麼。古佛過去久矣。

伽藍

我法妙難思。衛護亦不安。親領佛勅意。護來忘難易。

祖堂

明月家々照。清風無執邊。聯芳復續焰。價不直半錢。

開祖

龍宿鳳巢久。鷄亦來棲巢。應是怨憎會。不免茲道交。

據室

從上祖師據此室。聯芳續焰當山。歷世據此室。接凡接聖。新  
住畫龍據此室。倒臥橫眠。這裡還有誰訛麼。

雲月是同。溪山各異。

陞座

安住不動。如須彌山。何閑活計。更爲躋攀。還知端的麼。

祝聖

者香。至貴至尊。價絕九州四海。  
最玄最妙。德被四夷八蠻。  
虔懇向金爐。端爲祝嚴。

今上皇帝聖躬萬歲々々萬々歲。陛下恭願。

宏張皇風。布德化于三大劫。

資益叡算。倍壽量于八千椿。

大檀君

者香。具於五戒十善。傳家薰邦。

富于武術文華。有名有實。

即今熱向寶爐奉為本藩太守當山大且越九鬼隆國賢侯。

資倍祿算。伏願。

長為皇家藩道。(注古語長世以道德為藩)施德澤于城中。

永為佛國干城。護正法于海外。

垂語

十方智者皆入此宗。這裏還有躡跳底之漢麼。(問答不錄)

提綱

實際理地無去無來。衲僧去住。臨機隨緣。昨日在于琴瑟峯

前。彈沒絃琴。今日來于車瀨橋畔。弄無孔笛。直得古梅林裡

梅郁々。心月堂中月璫々。到這裡。佛眼覩不得。魔外窺無路。

雖然不許崑崙吞箇棗。還委悉麼。

一顆明珠盡十方。回光返照在君手。

拈則

記得投子大同禪師。僧問。和上住此山。有何境界。師云。了角。女子白頭絲。繡出鴛鴦在。投子手。如何。令人生一場大疑團。若復龍上座向他道。飢來喫飯。困來瞎睡。且道與古德境界。

有誦訛麼。(良久云)水流元歸海。月落不離天。衆慈久立珍重。

○諸谷山龍滿寺進山

大門

(玄樓與龍禪師)

當機覲面。八字打開。龍滿門戶。何妨去來。雖然與麼。個中自有三級在。一任天下人曝腮。

佛殿

雲門一棒不虛行。止恨胸中狹易棄。要知大海容量。看山僧一坐具地。(展具便三拜)

土地堂

晴乾開雨路。無事設曹司。會昌沙汰日。汝向何處之。

祖師堂

帶累四哲。證龜作鼈。滅却六宗。以楸拔楸。嘆元來一雙眉。八字無兩。

據室

三世諸佛。歷代祖師。盡至這裏。更請一龜。何故如是。這室中事。未曾夢知。

上堂

(索頌)

諸仁者簇々出頭。見來。悉是虎頭燕頰。將有什麼邊事。

(時有僧問答々々罷)

提綱

諸方住持。體裁大率。開這鋪席。有商量交易之事。所謂石頭

大師真金鋪。馬大師雜貨鋪。南泉賣身。圓通鬻猫兒。不啻夫然。達磨之遊震旦。瞿曇之出竺乾也。咸是官路。販私鹽。底之等流。自餘四海禪林。五湖法窟。浩々乎。商量之盛也。盡是無非賣郎商主。爭錙銖。論毫釐之肆。有條攀條。無條依例。龍滿今日。又是隨分開。這鋪席。所以汝若要真金。我爲汝與真金。汝若要鼠糞。我爲汝與鼠糞。雖然與麼。就中有箇一物。在我未曾容易相分付。何故如是。止是類焉不齊也。從上先德未始知有陶朱猗頓輩。何曾得之貯。孤迥々。活卓々。圓陀々。靈了々。譬如摩尼珠。所求意滿足。亦似王者輪寶。有不可底則擢用。而無盡與則倍存。於吾歲月。不能消磨。山河無堪其價。若能得底人。爲佛祖作興範。爲人天作依佑。正恁麼時。直得。

八

雄々赫々。萬里神光。欺日月。一團和氣。滿乾坤。且道是什麼物。(喝一喝曰)

肯來兩手相分付。擬去千尋不可攀。

拈則

舉百丈大智禪師。因僧問曰。如何是奇特事。智云。獨坐大雄峰。僧禮拜。智便打曰。這僧面結金色。交意使是非。錐百丈老漢。可謂是精知精。是賊識賊。不妨有照有用。有權有實。再參馬祖底消息。方是公驗分明。雖然與麼。若是山僧待其問。如何是奇特事。和聲便打。何故如此。要見是他蚊子咬鐵牛。

○因州興宗寺入院

山門

(無隱道叟禪師)

九

指山門云東門西門。南門北門。一門入得。獨步乾坤。  
(願視左右云)諸人即今從那門戶入。(指門無云)從這裏入。

佛殿

現在佛不禮過去佛。何以故。字等語等法。等身等。雖然恁麼事。無一向。(便禮)

土地堂

我因汝得住。汝亦因我護。中間一句兒。不敢浪吐露。

祖師堂

一對眼睛烏律。千古鼻孔遼天。謾道聯芳續焰。見來不直半錢。

據室

興宗滅宗口頭香餌。有句無句。韓獪逐塊。新長老到這裡。有甚麼長處。(拂一拂云)手把白玉鞭。驪珠盡擊碎。

陞座

(垂簾云)雲月溪山無自他。石牛吼歇。木人歌。聲々直透青霄外。還有知音唱和麼。(問答不錄)

提綱

一向與麼來。則長裙新婦。挖泥滯水。一向不與麼去。則佛殿措前荆棘。參天如今與麼也。不得不與麼也。不得不。(無聲拂子云)看々。一毛頭獅子。在百億毛頭現。百億毛頭獅子。於一毛頭返擲。哮吼到這裡。直饒牙如劍樹。口似血盆。漢出來也。須倒退三千何故。(拂一拂云)

禹力不到處。河聲流向西。

拈則

舉趙州到雲居居問老々大々何不覓箇住處州云教某甲住什麼處居云山前有古寺基州云和尚何不自住師云一擒一縱驚群動衆還他兩員古佛山僧今因晦堂法弟請得此住處也不擒也不縱也不驚群也不動衆祇得各自驢去馬來何也

曹溪波浪若相似。無限平人遭陸沈。

●開堂法語

○建康山空印寺進院開堂

山門

內彌勒。外文殊。樞不蠹。鎖無鬚。

佛殿

主中主。混知處。顛面來。無回互。

伽藍

鑑在機前。事消未兆。護法安人。回途復妙。

祖堂

西天此土。步入環中。一隊老漢。畫眉虛空。

據室

妙明明妙。一盞孤燈。竹篔爲挺。照五湖僧。正與麼時。本光不昧。今來古。密室未曾欺祖承。

山門疏



毫頭蘭菊。二疊讓芳。紀綱雷舌。對衆宣揚。

諸山疏

極麗擅美。鍾秀掬奇。黃金殿上。不妨剖披。

同門疏

藍田美玉。白州至珍。無舌解語。宗風轉新。

道舊疏

不借石女機梭。幻々麟錦。

無用木人針線。言々蝶羅。

十年一味濟兼洞。隔地愈知道愛多。

拈衣

金針雙鎖。文彩既彰。展開肩上。映奪日光。

法座

四寶削出。勢衝太空。由旬八萬。脚下清風。

拈香

謹燃寶香。端爲祝延。

今上皇帝聖躬萬歲々々萬々歲。陛下欽惟。

天然貴胤。蔭東西南北之百億國。而皇化

安穩乎金輪寶之邊。

法爾壽量。亘春夏秋冬之千萬劫。而聖體

康寧乎紫羅帳之內。

者香奉爲征夷大將軍增崇鈞算。恭惟。

上輔彌一人。妙印洞豁。一天之耳目。

十六  
下撫育萬姓。靈威鎮壓萬里之山河。  
者香奉爲本寺大檀。東都閣老當國大守。酒井姓拾遺輔闕  
源侯資倍祿算。伏惟。

文經武緯。縱橫齊織。松竹增榮。之瑞慶。  
壽山福海。廣高長伸。龜鶴獻賀。之丕休。

者香深草靈苗。維非種植。傘松老骨。豈涉擣筵。半千歲氣息  
絕焉。六十州鼻根塞斷。只有兒孫方朗。乃得薰蕕相分。今日  
燕向寶爐。供養青原正傳一十八葉。日本洞宗開闢。吾永平  
祖師大和尚。以恭酬仰高。於乾門俯厚地軸。不可稱量懿德。  
莫能思議之大恩。

者香。太源源頭。靈幹堅牢。明峯峯下。奇葉蕭森。今日拈出。供

養本寺開山大和尚。及歷代諸大和尚。以恭酬創業之大勳。  
守成之偉績者。香供養本寺第十有三代前。永平石華老隱  
大和尚。以恭酬提獎晚進之高誼。伏願。

福臘綿長。

齊楷磨無滅之劫石。

法體鮮健。

同開敷不老之仙華。(次拈懷中香云)

者香。金刀剪不開。

無影林中之根固。

鐵鎚擊不碎。

不萌枝上之果圓。

製非抹塗。氣豈檀棧。向有鼻孔者。欲隱彌彰。今日拈出。鈍置  
陸奧州仙臺府。三陽山泰心禪院。第八代住持。損翁益老人。  
以酬竹筒之安般。  
(飲衣就座) (白機畢)

垂語

正中妙叶。敲唱雙舉。賓主歷然。不可犯忤。問答不礙。

提綱

坐斷十方也。尊貴難窺。放過一著也。功勳可仰。直得金鸞軒  
翥。五雲之上。神龜抃舞。三山之外。到這裡無邊之光明莊嚴  
備足。不思議之神通妙用現前。此是我家相承。王三昧雖然。  
恁麼。今日開堂祝讚。一句作麼生敷陳。 (舞一拂云)  
玉輪影射珊瑚枝。一陣清風動天地。

自叙

方杜多。自惟身擬散樗。更爲西肥之枯朽。名犯老梅。爭攀北  
越之芳蕊。徒呈螻蟻小伎。堪羞龍象大觀。

謝詞

恭惟常在堂上大和尚。衲被昔時芳盟。識得道履磨清白。金  
鎚今日榮證。感戴法筵生光輝。  
恭惟諸山堂頭大和尚。德臘山高。人天之所瞻仰。福慧海濬。  
鯤鯨幾乎產生。德憑既非輕辱。見各各莅法會。慇懃何能盡。  
免不一々爲謝鳴。  
恭惟同門諸大和尚。大樹法幢。既爲人天龜鑑。盛唱宗旨。豈  
非佛祖權衡。光駕荷賁臨。弊會堪嚴飾。伏惟山門兩序諸位。  
禪師。孔翠羽毛。禪林錦繡。麒麟頭角。法席英靈。辱惠一函之  
瓊瑤。堪稱千里之眉目。

拈則

記得青原大師問曹溪。當何所務。即不落階級。曹溪曰。汝曾

為甚麼來。大師曰：聖諦亦不為。曹溪曰：落何階級。大師曰：聖諦尚不為。何階級之有。師拈曰：功盡位泯，知絕照忘，可謂空王殿中，千光何照。雖然如是，今日有人問：新建康當何所務，不落階級，但向他道。蒲團倚坐，無他事。終日寥寥，賀太平且道。與曹溪底是同是別。卓拄杖云：具眼者看。伏惟大眾久立成勞。常在和尚白槌曰：諦觀法王法。法王法如是。

○宇治縣興聖寺入院開堂

（玄樓與龍禪師）

三門

日域洞上數萬門，悉將此門為根源。縱說先威音造立，奈當王老子兒孫。諸仁者從這裏入。

佛殿

天上人間尊貴尤，曹山門下死貓頭。衆前何以能藏醜，禮拜燒香為是優。

伽藍

一任會昌行沙汰，扶起宣宗復古情。推彼挽此共主車行。

祖堂

掀翻海嶽覓相知，面壁九年何所為。試把燃犀照淵底，元來花下睡貓兒。

開山

高祖始斯誅草茅，宏開門戶接推敲。野衲今日稱山主，恰以楚鷄冒鳳巢。

中興

開祖甘棠中欲枯。到師再見致榮敷。年々從是長枝長。 翦鬱寶林倍鬱乎。

據室

（竹篔簹案一下日）會麼。一擊聲中忘所知。始稱入室對 顏時。即今老衲在何處。眨得眼睛隔竺支。

救黃

天氣爽明。叡願傾誠。風行草偃。水到溝成。

山門疏

山門柱石。元首股肱。彬々文質。光焰輝騰。

支院疏

万派歸宗。心言維濃。一團和氣。此中相鍾。

檀越疏

佛德金城。文武精英。全封半幅。公驗分明。

拈衣

信力易擡。腕力難。傳衣故實撮來看。黃梅室內輕於葉。

大度嶺頭重似巒。

陞座

人々氣宇自賢豪。踏斷須彌不許高。設復比來忘却畢。

山僧打樣見君曹。（乃陞）

拈香

佛界有這最勝無價寶相無相微妙寶香。若能蒙資薰者增。

福增慧增壽量。初大覺法王釋迦牟尼世尊授之。摩訶迦葉。摩訶迦葉授之。阿難陀。西天東地。佛祖如此。嫡々授受。來竟入山僧手裏。山僧今日胥當開堂演法。令辰要行資薰祝國。法例真如實際十方三寶。上來授受佛祖。附垂加祐。乃拈香日。

此一瓣香仰冀南閩浮提大日本國。大日靈貴尊神胤今上皇帝福慧增長。聖壽無窮。萬劫萬劫萬々劫。

(便熱向寶爐日)直得。一天四海悉清寧。擊壤歌謠最耐。盼。叡算悠々有何限。殿前長見老人星。(次拈香日)

此一瓣香仰冀淳和并學兩院別當源氏長者征夷大將軍。福慧增長。鈞算無窮。永劫綿々。(便熱向爐中日)直得。撫育

萬民佐一人。流及化外致來賓。燧煙烽火今何在。唯

見九天鳳瑞新。(次拈香)

此一瓣香仰冀當寺大檀越永井信州刺史大江直方賢侯。福慧增長。令算無窮。永劫綿々。(熱向爐中日)直得。神文

英武倍聲光。彌作寶林擁護牆。積善薰來功德力。家門長見致榮昌。(次拈爐中香)

此香十惡五逆所生。全鉢是箇毒氣。覷著眼睛瞎。聞著鼻孔。壞。即今熱向爐中恭供養。太源遠孫老螺蛤。嫡嗣。圓珠峯。龍滿九代清拙軒。象山問厚大和尚。奉以酬法乳之恩。

(白機畢)

索語

竹密不妨流水過。山高豈碍白雲飛。諸仁者要飛飛。要過過。來有麼。有麼。  
(問答不錄)

提綱

令眾生開佛知見。示眾生佛知見。令眾生悟佛知見。令眾生入佛知見。道以是開示悟入四種佛事。喚作一大事。諸佛世尊。唯以是一大事。因緣故出現於世。震且初祖圓覺大師。要瞎却東土人眼。以西來如這回山僧。出當山。非為開示悟入。非要瞎却人眼。將又有甚麼用處。出頭來。諸仁者。却會麼。若會。從前佛祖無處藏。慚愧。或復未會之。蜀問取嚴君平。

(舒謝不錄)

拈則

舉當山高祖大和尚。示眾曰。山僧歷叢林。不多。只是等閑見。天童先師。當下認得。眼橫鼻直。不被人瞞。便乃空手還鄉。所以一毫無佛法。諸仁者。却會麼。唯如這曰。無佛法。可謂和盤托出來。老衲在于其座。稽首乃曰。恩大難報。久立眾慈。伏惟珍重。  
(白樞畢)

○諸嶽山總持寺進山開堂

(梅崖奕堂禪師)

三門

撥開向上關。掃蕩聖凡轍。萬古總持門。一朝新風月。

佛殿

掩室於摩竭。因甚不藏全體。不違不隨。齊之以禮。

伽藍

正直無私。靈聰有主。阿護叢林。千古萬古。

祖堂

語音雖別。鼻孔一般。聯芳續焰。指柏罵蘂。

兩尊

父劫殺。子證之。冤讎相報。累及手臺。

據室

這裡無傳受底法。唯是臨機打龍打虎。雖然與麼不喚。二作五儻。或躊躇。君向西秦。我之東魯。

視篆

總持無字印。印破盡乾坤。纔要觀文彩。鐵牛夜裏奔。

拈衣

一肩龜布。唯足藏醜。纔論授傳。金毛成狗。

敕黃

九重敕降。為祥為瑞。四海八蠻。歸第一義。

山門疏

廓落總持門。不會惹寸塵。論杓柄長短。分與家裏人。

道舊疏

魚相忘江湖。人相忘道術。認得穿被底舊。三人證龜成鼈。

近門疏

一貶一褒。鼓琴打茄。空中文彩。一任眼花。

法座



機不離位。已墮毒海。脚下雲生。是何所在。

拈香

這香盤根。三界覆蔭。九垓隻手拈起。熱向金爐。端為奉祝延。今上皇帝玉體康寧。聖壽萬歲萬々歲。陛下欽願。叙算踰塵劫芥城之量。皇基齊泰山劫石之安。這香奉為三州大藩主菅原賢侯資倍祿算。伏願。

長承桓文之功。

翼戴王室。

親應佛陀之囑。

擁護法門。

這香奉為當山開祖國師二世峨山老和尚。上酬慈恩。伏願。黑漆崙崙夜裡奔。蛇胎石變化鵬鯤。從來六耳不同許。風駭睡魂月破昏。

這香為五院開基諸檀和尙。伏惟。一華五葉。流芳江湖。

信手拈出。薰翻一爐。

這香為本願檀那定賢律師。以酬不啻往昔捨短隨長。遜讓芳躅。永劫看護。願力。

這香久拋在丘壑。贏得皮膚共脫落。真實亦不存。今日不免拈出人間。供養前聖應雪堂老師。以酬冤讎難忘。(白鶴早)

索語

諸嶽秋深。月暝虎眼。三松夜冷。風起龍吟。此中若有知音客。不墮五音六律。試請機前唱和來。(問答不錄)

提綱

拈一機。則千機萬機頓赴。如刻人冀。作栴檀香。舉一句。則千

旬萬句朝宗似持盞殼量大海水山僧行業無取用捨行藏  
等間隨緣水無沈影意竟無移蹤思雖然與麼未了被業風  
吹轉又向北溟賀鐵船奈何大法陵遲時當像季縱令用盡  
小神通復唯土上加泥而已敢請文殊普賢為新總持打篙  
搖櫓勢至觀音張帆把舵但能唱和同心自然無可不可不  
滯彼此中流直教盡十方塵毛刹海森羅萬象任運流入薩  
婆若海為依為怙正當萬機一新聯芳結果一句作麼生舉  
唱（卓拄杖一下曰）天高群象正 海濶百川朝（謝曰不錄）

拈則

記得投子大同禪師因僧問和尚住此山有何境界投子曰  
了角女子白頭絲拈曰投子老漢雖烈焰堆中飛雪片爭奈

此僧被語路轉却終起不得若有人間山僧和尚住此山有  
何境界和聲痛與一頓何故如此只要他直下自知閑雲流  
水不同歸伏惟久立珍重

●小參示衆

○入院當晚小參

（瑞方面山禪師）

好大衆七寶冠摧五色線斷家風也森羅萬象活計也碧落  
青霄直得開單展鉢鳥道收不得罽屎送尿立路該不得到  
這裡諸方老宿捧如雨點喝似雷奔亦只得強切齒瞋目何  
故（食久曰）祇林楓葉帶風後 五夜鐘潭浴月清  
舉金峰示衆曰事存函蓋合理應箭鋒柱若人道得金鋒分  
半院與他住師云金峰恁麼說話大似憐兒不覺醜玉龍要

且不然事存函蓋合理應箭鋒柱縱有人道得亦與三十柱杖趁出院何故重賞之下必有勇夫

○入院當晚小參

(玄樓與龍禪師)

師曰今宵不問話問話者喫茶云時有僧問云云(問答畢) (拂一拂曰謹白參禪學道之人參須實參學須實學所以者何其心不實於世間諸道猶得成辨難況於佛祖大道佛告阿難曰汝今欲研無上菩提真發明性應當直心酬我所問十方如來同一道故出離生死皆以直心心言直故如是乃至終始地位中間永無諸委曲相也直心者所謂實心也其實於心者必不好虛言熱見今時雲衲學得異國書所載之商量言語問答體裁不擇時不相攸突出問如何揚勸聲叫

作麼生勸破了遲入刻沒交涉放下著不知是甚麼道理信口吐出逞粥飯熱氣拳踢相報咄喝交馳依稀如狂亂髮似癩癩發只學辨口習利舌以為是參禪樣子學道本式子細點檢將來看於己躬下大事未曾夢知只有言語渾無實義雲門訶之曰大乘學語漢如此掠虛不實作業真正衲子所可最睥睨也况異國書所載是彼國平話焉如諸氏咸是日本人盡用吾國平話親切商量耶雖然與麼學語商量之於吾國叢林也作一統宗風來既久也然則久弊叵俄改是以於上堂小參垂語等時節不敢制之於自餘時處則可專用吾日本平生所用言語實地商量若無實義雖平話又是學語其知之為知不知之為不知不自欺欺他互證明是處

剗却不是處。暫時不措。可謂實參。如異國先賢。摘茶刈茅。春米運柴。泥壁掃地。看花弄月。以這事商量。其不放過也如此。如吾國僧侶。類多不然。瞎驢逐大隊。西又東。而十箇九皆名聞利養。行脚希有。專為箇事者。是以動則好戲論。打雜話。空送光陰。況復如當山日域洞上本源高祖。初開法窟。於吾宗則可謂最尊最上。靈地。苟打無慚無愧。雜話以送光陰。可謂辱靈地之塵垢。糝糠足跡。亦可拂所冀。一衆清淨。人境相稱。旃檀林無雜樹。鬱密深沈。獅子住。諸仁者身。是弘法器。深請各自珍重。

○入院當晚小參

（梅溪奕堂師）

之乎者也。一千八百展事。投機總是世諦流布。衲僧家絲毫

非所豫。若是本分行脚高士。直須懸崖撒手。自肯承當。絕後再蘇。來欺君不得。山門開闢。日五院開基。連署結約。輪次推挽。以轉大法輪。妙用軌外。驚天動地。爾來輪董同途。不同轍。一唱一酬。擒縱與奪。高弄宗乘。續其芳躅。追隨時運。變遷千斤。弩終不能穿。魯縞自然成。世諦流布去。尙時當王政維新。特令隻手而推之。山僧斯日被天龍推轂。事不得已。枉作三松關中主。未布一陣。施一計。早已弓折箭盡。無路轉機輪。幾乎哭窮途。人天衆前。敗闕不少。且道是世諦流布底。是途中受用底。實久云。若是金毛獅子兒。三千里外見諸訛。

○歲旦示衆

（石山道白禪師）

新年頭佛法。今古幾商量。鏡清道有續。晷短明教道無截。

鶴減長。非有非無。中間猶據。亦有亦無。兩頭未忘。四句百非。外正好。祝春王。

萬歲萬歲萬々歲。三陽三陽三々陽。三三非九。又非六。妙吉祥尊獨舉揚。

○歲朝示衆

(玄機與龍禪師)

天運循環。萬物咸改觀。法令亦不可不改。古佛往祖。所道取了之大乘小乘。并索錢貫。有漏無漏。竹籬木杓。盡是謂之陳年。歷日不是新條。法令道出。他道不得處。來應始為新條。法令不是敢好異之等類。止是臨時應節底之消息也。諸仁者放下。陳年歷日。畢竟喚什麼。作新條。法令要會麼。拂一拂。日今年明和龍次戊子。

○除夕示衆

(龍山道白禪師)

心空念々要知非。絲毫纔差與道違。醉後盡言方悔醉。機先幾箇得妨機。安眠未待室蛇出。間步徒看野鴨飛。借問年窮三十夜。夜深前路共誰歸。

○臘八示衆

(龍山道白禪師)

臘八以前破。一微塵出。大經卷。臘八以後破。大經卷。出一微塵。正當臘八。經塵無相。非偶非奇。麟恩點出。紅爐雪。剪々香風滿地吹。更有一偈為諸人舉似。一見明星課誦時。正當長者引窮兒。自從聽取本名字。父子因緣不復疑。

○臘八示衆

(玄機與龍禪師)

釋迦老子因象牛菩薩問曰。世尊最初所立誓願曰。不度盡一切衆生。我不取正覺。涅槃後有人若依此誓願。難道衆生尚在。汝大師因什麼入涅槃。正恁麼時。作麼生。祇對老子應之曰。汝以什麼法爲衆生。只恁麼。祇對其善竊者。神鬼無測。是他昔日成道時。早奪却諸人眼睛。畢却識得也。否。若未識得。且請還于寮舍摸索看。

○結夏小參

（面山瑞力禪師）

九旬安居。凡聖路絕。一衆混光。彷彿蘆雪。主外無賓也。慙慙低頭合掌。乃是今時樞要。賓外無主也。如法著衣喫飯。無非古佛良轍。所以道。正位雖正。却偏。石女生兒。解言說。偏位雖偏。却圓。露柱懷胎底時。

節。須是頭々盡却。今時。向威音那畔。麼設。作麼生。威音那畔。施設。鐘潭枝派。暗流注。誰識靈源。明皎潔。

（拂一拂曰）山僧乍住。夏制茲結。屋壁蕭疎。不異揚

岐珍珠之牀榻。家風澹泊。何讓芙蓉米湯之禪悅。雖

然。不圖引得金湯。踵龍英象傑。但恨管待之。不過瓦釜

蒸雲石鼎。煮月。慚愧千萬。何堪面熱。

記得僧問。大陽如何。是和尙家風。陽云。滿瓶傾不出。大地無

飢人。諸兄弟。大陽家風。明白玲瓏。譬如純摩尼寶。毫無玷缺。

雖然。恁麼。今日若有人。問玉龍如何。是山主家風。但向他道。

毘耶離居士發唇。富樓那尊者結舌。且道。與大陽是同。是別。

（歛拂云）我常於此。切珍重。

○解夏小參

(面山瑞方禪師)

衲僧自恣日。覺皇解制辰。踏破黑漆桶。脚尖特地新。  
 玄路不鎖。鳥道通津。泥牛與木馬並蹄同驟。虛空與  
 大地把手俱臻。到頭雖不回避。畢竟少逢一人。爽天  
 也朗。炎氣也泯。孤雲山頂。引一條之白練。清風袖  
 裡。湧無價之奇珍。正當即今。象王衲賀。哮吼。師子伸  
 慶。頓呻。加旃。安居上座。圓滿上座。眉毛厮結。僧堂  
 前笑闍々。且道笑箇什麼。山僧懶說且去。問取舜若多  
 神。

記得永平高祖。解夏上堂。以拂子打圓相云。莫認這箇作法。  
 歲。周圓。莫向這裡打破飯碗。正與麼時如何。良久。曰。萬里直  
 須無寸草。石頭垂足住高山。玉龍遠孫今日強。畫蛇足為送  
 行龍象。作餞別去。莫認這箇作法。歲。周圓。傍人按劍却較些  
 子。莫向這裡打破飯碗。直得臨濟德山倒退三千里。正當與  
 麼時如何。乾屎橛放。大光明。良久云。掀翻好。萬里直須無寸  
 草。石頭垂足住高山。平蕪盡處是青山。行人更在青山外。諸  
 仁者且道。是為高祖。顯揚家風。又為高祖。埋沒家風。卓拄杖  
 云。具眼者辨珍重。

○結夏示衆

(玄樓與龍禪師)

龍滿今夏不敢行。結制不敢事。禁足放過汝。兩隻脚跟一任  
 朝。到西天暮。還東土如唯這。一任唯這。放過便是龍滿。禁足  
 喚之。作金剛圈。諸仁者作麼生跳出。只恐跳不出。不見道善

縛者不用縛索。

○結冬示衆

(玄樓與龍禪師)

栴檀圍繞謂之栴檀叢林。諸佛於是安居。荆棘圍繞謂之荆棘叢林。列祖於是安居。龍滿這裡不是栴檀。不是荆棘。時有一人踏步向前曰。是什麼叢林。山僧臂脊便打。何故如此。不打者樣。飯袋子更打何誰。

○半夏示衆

(玄樓與龍禪師)

熱時熱殺任騰々。冷笑火雲特地崩。說甚楊華飛九月。直看炤裏結寒冰。諸上座向甚麼處看炤裡。寒冰若看得分明。試把將一片來。大眾欲下語。師乃曰。蒲團也。禪板也。莫是冰片子麼。可惜許依然把不住。畢竟如何。今朝六月初一。

○中元解制示衆

(玄樓與龍禪師)

尅期九旬喚之作布袋結之解之。諸方樣子咸如是。吾這布袋無底亦無口。所以無解亦無結。是以人々安居時。渾身無處着箇々。及送行。又不曾出箇中。這箇且置。洞山高祖示衆曰。秋初夏末兄弟東去西去。直須向萬里無寸草處去。始得。只如萬里無寸草處。作麼生去。石霜曰。出門便是草。大陽延曰。不出門亦草漫々。已是此草漫々。門裡門外作麼生。是無寸草處會麼。良久曰。侍者倒却門前刹竿。

○上元解制示衆

(玄樓與龍禪師)

冬安居方是及解制。我不管汝問柳尋花。登妙峯孤頂入彌勒樓閣去。途中若有人問甚麼安居來。切忌答道與聖何故。



如是只恐汝喫著他熱拳。勿謂不道。

●結制上堂

○結夏上堂

（永平義雲禪師）

應時號令難回避。曠古規繩成大方。不許行雲遊嶺外。珠轉金盤發靈光。百川駛々同派。大海洋々涵天。三月護生行無生道。十虛教誰禁神通足。箇中履踐畢竟如何。莫行難上岸。鳥飛不出空。

○結夏上堂

（永平義雲禪師）

我住則汝同住。我行亦汝共行。打得諸佛要機。而結制拈提。祖師心印。而護生山高。不礙雲倚。如父如子。谷靈有應。聲響為弟。為兄。既得恁麼和同。還有什麼行履。良久曰。

瓊林寸々寶。旃檀片々馨。

○結夏上堂

（曹源滴水禪師）

廼曰。永明今日結夏安居。以盡虛空界為一個網子。一結。結定三世諸佛陀。歷代賢聖僧。若人若天。狸奴白牯。乃至山河大地。草木叢林。盡入個網中。同一安居。更有一人。不入這。保社也。無面目也。無方所。諸仁者。若識得分明。不妨稱透網底。未然。豎起脊梁三十二。蒲團禪板好參窮。

○結冬上堂

（瑞方面山禪師）

文殊三處安居。盡法界為全身。瞿曇一夏。宴生巨劫。沒閑影。直得啞却吾口。塞斷汝眼。者裡薦得。恰如猛虎捕翅。其或未然。不免靈龜曳尾。雖然與麼。諸仁者。且道。畢竟作麼生。是。

結冬事。負久日。身上著衣。方免寒。口邊說食。不曾飽。

○結夏上堂

(梅崖奕堂禪師)

麟鳳不為瑞。珠璧寧為貴。衲僧眼豁開。微見生死帶。直得絕因緣。斷相續。超古今。泯同異。道圓無缺。智應有餘。一步密移。立路轉。全身放下。却壺空。靈山受記。列祖命脉。唯我能證底。王三昧。只這是。諸禪德還。委悉麼。(拂一拂曰)

鶴夢巢荒。耿々。蒼林之月。

龍吟夜冷。依々。枯木之風。

○結冬上堂

(梅崖奕堂禪師)

體虛有照。廓無所依。用密絕功。妙應諸緣。非鏡而明。非珠而自轉。劫前運步。棘叢橫身。真證不可以言。傳妙契不可以意。

到正恁麼時節。白雲向寒巖而消踪。立帝隨紅葉而發機。朔風催雪陣。枯木忽回春。采花蜂集。不萌枝。眠月鳥棲。無影樹。不一不異。井々有條。左顧右盼的々無瑕。畢竟是甚麼消息。(卓拄杖一下曰) 長劒倚天。光照瞻。威風凜々。逼人寒。

●半夏上堂

○半夏上堂

(永平義雲禪師)

法王令下。詐還作。莫半路追陽焰。休有意氣時添。意氣不風流。處也風流。記得瑯琊曰。奇哉十方佛。元是眼中花。欲識眼中花。元是十方佛。欲識十方佛。不是眼中花。欲識眼中花。不是十方佛。於此明得。過在十方佛。若不明得。聲聞作舞。緣覺臨粧。大眾要生。悉恁麼道理麼。

水自朝東。星皆拱北。

○半夏上堂

（善教普濟禪師）

半夏以前青山綠水。半夏以後綠水青山。絲髮更不著其間。雖然與麼不屬前釋迦。出世不待後彌勒。相看正當今日大眾作麼生行履去。裏許借功能得活。那時退步不知閑。

○半夏上堂

（善教普濟禪師）

半夏以前足清涼。半夏以後將炎天。黯々青山元不動。飄々白雲閑變遷。去留之蹤自在動靜之體如然。正當今日未審諸人作麼生履踐去。（良久曰）偏正不曾離本位。無生那涉語因緣。

●解制上堂

○解夏上堂

（記山道白禪師）

結制安居露柱眠熟。解制自恣燈籠夢驚。眠熟夢驚彈指頃。西風一陣度金城。會則觸目祖師意。不會滿懷宋玉情。誰會誰不會。兩俱不足爭。只如今日事。畢竟作麼生。南北東西皆有路。出門各自競前程。

○解夏上堂

（記山道白禪師）

西風鑿殘暑。快吹行人緒。東軒納新涼。直潑坐禪牀。正當此時節。令我如何說。舉九峯虔禪師因僧問。西天夏末有人得道。此間夏末還有人得道。麼。峯曰。有。僧曰。如何。是。峰曰。頭帶午夜月。脚踏黃金。

地九峯可謂妙露風規教人欣慕雖然恁麼山僧別有道德  
為衆舉似何者是頭帶三條椽脚踏兩廡地意旨如何大丈  
夫兒各自珍重

○解夏上堂

瑞方面山禪師

安居禁足衲子命根頭正尾正此道妙存人々脚頭有力不  
妨東走西奔雖然恁麼前程忽有人問空印九旬說什麼法  
要向他如何祇對（良久曰）

佛祖要機無別事蒲團放出鐵崑崙

○解夏上堂

瑞方面山禪師

叢舍夏制滿衲僧布袋開直得差珍異寶堆山積岳填溝壑  
壑正與麼時蓼江蘆灣總是灑々玉露竹前松堤無非颯々

金風可謂信手拈來無有不是雖然恁麼祇如古德道出門  
總是草不出門亦草漫々大眾且道作麼生（良久曰）  
不知頭上捲輪冠却愛脚下無憂履

○解冬上堂

匡山道白禪師

九十光陰留不停結冬一夢解冬醒丈夫猶有四方志  
依舊前程草自青前程忽有個漢問大乘一冬示甚麼法  
要祇向他道大乘長老本無面目令人只管打坐身心脫落  
去

○解冬上堂

匡山道白禪師

拈拂子云一冬九旬掃却法塵只餘這箇待雲外人正當此  
際若道無第一義諦即屬斷滅若道有第一義諦又是法塵

二途俱不涉，作麼生諦觀。復曰：諦觀也如幻，不觀也如幻。如幻三昧中知幻，亦是幻。即今座上老幻人，見座下諸幻子。座下諸幻子，見座上老幻人。且道：幻中相見功德多少。良久曰：龍華會上出頭日。又向幻中說此緣。

●滿戒上堂

○滿戒上堂

（歐子素淵禪師）

法本法無法，鳥棲無影樹。無法法亦法，花發不萌枝。直得戒不是戒，離染離淨，定不是定，無修無證。乃至慧度亦然。果恁麼委悉去，三學全性，正法流通，豈不慶快哉。祇如任持歸家，一句又作麼生。良久云。

大堰河頭如履渡，取錢快與渡工行。

○滿戒上堂

（歐子素淵禪師）

龍蛻骨，日無事於心。鳳生雛，時無心於事。不落今時之轍，豈處空劫之天。無人縛汝，汝覓甚脫。諸仁者，還會麼。

宿霧尚深，無見頂。春風常在，不萌枝。

○完戒上堂

（梅崖奕堂禪師）

正令當行，十方坐斷。佛々是以授手，祖々於此相傳。相傳也水無沈影，意授手也。雁無移蹤，思所以道。祖師心印狀似鐵牛，機印住印破。譬如太阿劍，振之則虛空，血滴又如獅子絃。撫之則百獸膽喪，更說甚持犯開遮，論甚正戒邪念。空華無帶，只是舟行岸移。雲駛月走，畢竟如何。

昨夜雨脚遇風伯，觀音耳裡打鞦韆。

○完戒上堂

(栴婁奕堂禪師)

露冷摩尼增秀色。全機撥轉月明秋。潮音日夜無間歇。添得滑川水逆流。所以道天真性德人安可瘦。更七日戒行。強賣水河頭。唯要明々德。以潤暗裡收。

○完戒上堂

(玄樓與龍禪師)

有法謂之毘尼。三世諸佛依是踏翻。窠曰。歷代祖師依是打破。飯盃八角磨盤依是空裡奔。三脚蝦蟆依是上梵天。甜瓜之甜苦瓠之苦。松無古今色。竹有上下節。盡皆無非。這法之力用。虛空以是裂破。世界以是成立。若復論護持邊之事。則丹霞掩耳出去。可謂捧油一滴也不漏。此法非色非心。此法非有非無。此法非因果之法。不可以名而名。止是為流布之

故強名曰毘尼。於此毘尼有三歸十重三聚之差。何為三歸。所謂歸依佛。歸依法。歸依僧是也。殺生偷盜乃至不謗三寶。謂之十重。攝律儀等是三聚也。佛何也。渠無國土。何處逢渠。法何哉。是法非思量分別之所能解。僧何哉。無漏國中留不住。月華影裡可難看。於此首或豎點。首或橫點。謂之歸依。兩箇五百方是一貫。十重護持之相如此。前三々後三々。斧頭本是鐵鑊湯。無冷處是三聚護持之相也。汝亦如是。護持脚下開眼。吾亦如是。護持腦後咬牙。受之也。於汝無毫所加。而虛空減重七斤。授之也。於我無毫所損。而大地增厚三寸。吾今木杓授之。汝等漆桶受之。汝等漆桶依此功德。且喜永劫無脫輪回。何故如此。知有便得。要脫為什麼。卓拄杖一下。曰。

看々狗子偷燈盞油一棒打殺。

●附錄

○越中滑川德城寺戒會到着小參

(梅崖奕堂禪師)

遠伴征鴻入德城。滑川秋色月磨瓊。更有紅楓翻蜀錦。跨門先見戒光明。

○能州海藏寺戒會到着小參 (梅崖奕堂禪師)

三百里山水杳。瘦筇破笠弄春風。誰知海藏甚深意。萬頃潮音不可窮。

○戒會啓建法語 (章山喬龍和尚)

月光當夜轉霜林。雁字橫空野瀨濱。今古巖然依位住。

尸羅妙相淨無塵。

○戒會啓建法語 (章山喬龍禪師)

雲收南海雁橫空。雨霽長天月挂弓。大地撮來無寸土。漫爲戒相勿停瞳。

○龍華山彌勒寺戒會啓建 (迅雷聽水禪師)

不待龍華三會曉。彌勒堂中開戒場。君看節後東籬菊。紫磨金色放毫光。

○庭岩尸羅會啓建 (迅雷聽水禪師)

娑婆即是華藏界。物々本身盧舍那。唯不庭岩新綠美。杜鵑花映石榴花。

●佳節上堂

○元旦上堂

(名山道白禪師)

江頭野草幾回青。休把僧儀混俗情。無角鐵牛眠少室。當時豈是賀元正。此是天衣雪曲山僧和。以巴歌。無名江上草皆青。誰管僧儀與俗情。縱是鐵牛眠不得。牧童橫跨賀新正。異世唱齋意在。那裏。地天交泰春資始。得一清。兮得一寧。

○冬至上堂

(名山道白禪師)

往窮兮必復。今古不曾差。昨夜洞山果。今朝趙州茶。蒲團推出月。拄杖放開華。且喜一陽節。相逢與故家。作麼生。是隨節興家底。承言須會宗。莫自立規矩。

○歲首陞座

(稱崖奕堂禪師)

元正啓祚。萬物咸新。且道諸禪德。膝下吉祥草。有甚麼靈瑞。是處爲爾證明。不是處爲爾剗却。不妨呈露。斬新第一機。來。

(問答不錄)

白雪乾坤一顆圭。新年瑞色塞天湊。來機縱奏陽春曲。祝見南山走駃騠。

○歲首上堂

(瑞方面山禪師)

彩鳳舞丹霄。紫霞籠愛日。新豐那一曲。宮商彌新。吉祥王三昧。福慧大吉。直得盡大地。衆生箇箇金剛無量壽佛。正與麼時。大年頭佛法如何體悉。良久曰。摩訶般若波羅密。一二三四五六七。無邊刹界覺皇春。叢林納祐自寧謚。



○歲旦上堂

(瑞方面山禪師)

著吉祥服。打吉祥坐。念妙吉祥神呪。祝吉祥安樂。衲僧直得。慧莊嚴。福莊嚴。因圓果滿。更無前後。正與麼時。人々妙吉祥。大士箇々歡喜。藏摩尼寶積佛。快活快活。雖然恁麼。祇如不觸。當今諱。一句作麼。祝贊。(良久曰)

春從大極圖中出。梅自百花頭上開。

○歲旦上堂

(瑞方面山禪師)

新令發東皇。一言盡十方。尊貴也。百福莊嚴之妙相。久長也。億劫常恒之壽量。水晶簾映雪。彌潔。紫羅帳籠霞。轉章綿々密々。巍々堂々。正與麼時。我國晏然。青化作麼。祝贊。林下展春吉祥服。九天煙簇御爐香。

○冬至上堂

(曹源滴水禪師)

一陽來復。出息不涉。衆緣群陰剝盡。入息不居。蘊界正與麼時。明暗交參。偏正回互。鬱々無根樹。奇花吐藥。寥々不響山。靈鳥鼓喉。木人揮毫。夜明簾外書。摩尼雲石女添線。古鏡臺前織鴛鴦。錦深々密々處。紋彩縱橫。明々歷々時。分疎不下到這裡。直饒鷲子采菽。運出無量智慧。用盡難思神通。未免唐突背後。機輪轉處。達者猶迷。雖然恁麼。點檢將來。猶是墮功勳。畢竟無功。妙旨作麼生。委悉。(拂一拂曰)今朝天寒。且待暖日商量。

○冬至上堂

(曹源滴水禪師)

白雲來去六陰窮。不動青山一氣通。鼻孔拳頭長又短。

交參唱起自家宗。

●退院上堂

○石州圓光退院上堂

(無隱道叟禪師)

拈起拄杖曰。這箇拄杖子十年已前。黑鄰皴。十年以後。黑鄰皴。地還曾有去來動靜之相也。否。所以經中曰。若來已更不來。若去已更不去。所以者何。來者無所從來。去者無所至。大都衲僧家。要進退去住無心無着。苟得無心無着。到處自在自由。遂無世法佛法。繫綴我者。正恁麼時。絕蹤滅跡。一句如何道取。(卓拄杖曰) 榔標橫擔。不顧人。直入千峯萬峯去。復云。南去北來無事人。浮雲流水有疎親。十年坐斷白山雪。清洗從前眼裏塵。

○退院上堂

(曹源滴水禪師)

一領此山十五年。掃除祖塔債。怨絲業風吹向天涯去。月照杖頭印。里千。畢竟如何。(良久曰) 尋常一樣窓前影。纔有梅花便不同。

○退院上堂

(石山道白禪師)

九萬天鳳載大鵬。一條榔栗伴殘僧。橫擔恰似圖南翼。直入千峯疊碧層。

○武州松福寺退院陞座

(無得真悟禪師)

鶴離舊巢。龜藏野水。所以衲僧家。進也。應時。遍界不曾藏。退也。就已。通身無影像。與麼不與麼。可々不可々。蝸牛角上。十方刹。南北東西歸去來。(卓拄杖下座。復歸隱野水老)



○上堂法語之式

一。索語。四言五言也。中有鈞語。又四言。言中有三言。鈞語不一樣。大抵字數不過五六十餘字。二。問答。三。提綱。發端必出題。又或用經文等語。或有無題不一樣。用四六八六隔句對。用着語韻。直對。用後句韻。大抵如拈香相似。四。自叙。或如啓札等之自序。四言也。或五言。或四言。而書下意趣也。不過二三十字。五。贊說。是如提綱。四六而用。隔對直對。有長之。或四言等之句。而有短之。大抵如提綱也。先白槌師之贊說。次諸山。次同門。次大眾。(贊說即謝辭也)六。拈。則是用韻。有之。用屋裡祖師記錄。故舉古德名。或曰記得也。七。便下座。陞座。法大概如此。以下恐煩略之。讀者乞諒焉。

○第貳編 法式部之例

●般若慶讚

○大般若經慶讚

(善哉普濟禪師)

南瞻部洲大日本國北陸道能州羽哈郡富來院主伊德等。知浴于大光山普照禪寺。日稔觀佛恩廣大。難酬而募緣諸方。檀越。胥約。同胞。禪侶。書寫三藏。秘訣六百卷。安置于富山。其功大哉至矣。希有難思議。諸人能知悉。維時應永二年八月時正第四日。令山僧拈經慶讚。其功德舉揚。彼宗旨所鳩。鴻因最報。佛祖深恩。尋祝檀信。審量法相常住。齊三光之明。皇道悠久。合二儀之德。增進十方亡魂。冥福超生。佛地到於彼岸。山僧適不獲已。赴施主請。閉言長語。納敗闕。不小。少具

眼者辨取。共惟是經以字不成八字不是。題目未彰。早示真如。理破一微塵。出大經卷。向一毫端。成大佛事。種々妙理。大小權實。徧界半滿。無不周備。諸天龍神。人及非人。聞所未聞。得未曾有。如是等事。為甚麼。即今在老僧手裡。畢竟功勳歸何處去。(華嚴經云)總持無文字。文字離總持。由般若大智。離言以言說。

○大般若經慶讚

(北山道白禪師)

泉州禪德寺主。請大般若。以鎮山門。特請山僧。慶讚乃成。偈言。

甚深般若波羅密。光透琅函照梵宮。轉去轉來諸佛喜。護持護念衆檀崇。四恩三有相無相。六解一亡空不空。

珍重禪那功德聚。包含五度共圓通。

○大般若慶讚

(北山道白禪師)

雪香長老。以河州滑圓。告官為禪刹。而今集諸善信之功。德力。請取大般若經。長鎮寺門。乞老將著。一語因作之。偈。

甚深般若沒商量。體用難分誰判疆。生死悟迷夢裡幻。慈悲喜捨海中囊。即空即色了無性。轉去轉來禁不祥。兔子懷胎三五夜。蚌含明月吐靈光。

○大般若經新繙

(梅屋奕堂禪師)

六百金文繙轉辰。吉祥如意日鮮新。邪冤潛迹三千里。擁護綿々二八神。

●羅漢供養

○為圓山宗鏡居士修羅漢供（草山香龍和尙）

本月此日相逢圓山宗鏡居士大祥忌之辰其桂子堀氏廣城居士就于山門二晝一宵欲營備長齋供賑三寶以為追薦於之嚴請二八應真供養無量聖眾以為居士居士却領歎不則見山僧仰無私慈光

嚴持牟尼遺誠 分身恒沙

遙待慈氏降生 晦跡岩谷

末流船筏 正法主盟

應物示形 有水無不舍月

傾誠感報 弄花正覺漏香

果因悉在目前 賞罰豈待身後

欲超苦海浪 宜讚德澤深

到這裡 不味靈鑑慈昭 要知應供端的 咳

無哇無畛福田地 慈雨淋來長異苗

○羅漢供養慶讚（瑞方面山禪師）

今日龍山齋席開 十方尊者一時來 松風高響空中錫  
槎影輕浮海上杯 萬法不須凡眼覩 六通但順佛言回  
紹隆三寶真冥護 雲水二嚴增善哉

○羅漢供養（梅屋奕堂禪師）

昨日雨兮今日風 利生接物何有窮 佛天日月無私照  
勿轉頭操賊後弓

○羅漢供養（梅屋奕堂禪師）

金剛定慧沒量仙。佛勅千斤擔一肩。豈管待龍華勝會，  
霽然梅雨利人天。

●施餓鬼會

○爲圓山宗鏡居士脩無遮大會

(章山香龍禪師)

大施門啓不須壇。鏤字寫來東海瀾。群類無邊食亦爾，  
一枚法架絕遮欄。

正與麼時居士與法界群靈同盤應供底之消息如何涉  
言端。 咳。

圓山，夕月明如鏡。

欲駐宗光玉走盤。

○水陸會

(章山香龍禪師)

飲食傾盆選佛場。鬼神爭供脚頭忙。無形天地大人相，  
心水印文不覆藏。

○水陸會

(章山香龍禪師)

目連求母好因緣。這裡引來儲薦筵。徧界群靈皆飽滿，  
伺看脚下紫金蓮。

○盂蘭盆水陸會

(梅崖奕堂禪師)

荷蒲秋清白露香。龍峯樹密綠陰涼。倒懸名事今何在，  
器界三千等放光。

○臘梅水陸會

(梅崖奕堂禪師)

雨潤千山長道芽。雪消雙眼沒空華。更開甘露無遮會，  
盡界光寒毘木叉。

○為亡僧諸品位，開甘露門。

(栴盛奕堂禪師)

圓覺海中般若船，順波逆浪且隨緣。  
風流豈止東西岸，愛見性天心月鮮。

○為溺死者大施餓

(迅雷隱水禪師)

英國船能留曼頓號。於紀州徑之崎。船沒。本朝同胞者廿五名溺死。於瑞光戒場。脩大施餓鬼。

萬事人間皆夢槐，死生有命又何猜。  
莫言二十五名客，沒溺溟滄心未灰。

君見戒光無內外。

冤親平等屬同臺。

●入佛供養

○一新佛殿安置三菩薩古像

(正山道白禪師)

山城州宇治田原縣。補陀洛山禪定寺。奉教為禪。一新大殿。依舊安置觀音文殊普賢三菩薩古像。欽設法供。既伽陀言。

補陀山上大悲者，挾持文殊并普賢。  
冥示法華三昧相，現成圓實一乘禪。  
教風忽作祖風轉，道運方兼皇運全。  
寶殿改觀安寶座，鴻基重創萬斯年。

○慶讚聯芳堂落成

(正山道白禪師)

先師老和尚。臨滅度時。願命云。若有衣鉢餘費。不可他用。宜輸大乘寺。造開山堂。意欲上下酬慈恩。下獲後昆也。既而。我暨夙夜思。不匪遺命。乃起役於孟夏。始了功於季夏。末。安開山像於正面。中位。安道元像。於正面。左肩。安整山明峰像。於正面。右肩。以珠璣以下歷代位牌。分安兩傍。



如舒雙臂。扁名聯芳堂。令人具瞻焉。此堂已成。此山有主。而冥感之所加。諸靈營擇。當面備恭。說陳寶之德。以冀悠久之祝。

先師遷化不啻亡。顧命功成赫有光。柱直基平雲繞礎。棟隆檐啄月懸梁。五尊々像列中位。幾世々牌排兩邊。創業表章悠久瑞。請看額字揚聯芳。

○慶讚寸魚堂落成

(北山道白禪師)

立花重根注名寶山。去年寶永改元。自夏至秋。造脩松月庵。今年乙酉春。創一小堂於菴東邊。微奮祀禪室之舊址。安觀音大士古像。堂之爲製。由夢感也。揚扁爲寸魚堂。蓋取義於白居易所謂。豈寸魚之心。能報東海之恩者。而專爲老府君光之侯。所現當二世之殊。願欲答鴻恩之真。

耳。此日殊。於伊蒲齋。修供養儀。而乞老翁。證明佛事。乃禮拜經爲說偈言。

感夢構堂開一門。就中供養補陀尊。自言將此寸魚志。借力大悲酬海恩。作麼生是酬恩底句。

毛端吞盡滄溟水。

露出珊瑚月一痕。

○永慶寺入佛供養

(瑞方面山禪師)

豐後國大龍山永慶寺。前往大超長老既新建寺。亦新彫造。本尊。於京師。因告余乞點眼之偈。蓋歸國安座供養之日。代余自唱其偈也。厚志可感。即說偈云。

大龍山古法雲簇。永慶寺新嘉運還。凡聖成群瞻仰處。毘盧坐斷紫金蓮。

百福莊嚴也。

如花之發春苑。

諸塵清淨也。似月之印秋天。

尊兮三界堪稱獨。高兮十虛無見巔。

正與麼時。五眼具足。一句。作麼生讚歎去。

毫端點出眉間白。光徹東方万八千。

●附錄

○歎佛會式

○設齋脩歎佛勝會（龍山道白禪師）

貞昌禪尼得慧心僧都親其千釋迦。像一軸。喜捨於大眾。設齋供養。因修歎佛勝會。為說偈言。

周匝千華千釋迦。光々絲網徧河沙。白毫功德妙難思。

豈只一分屬出家。蠢動含靈皆具足。無心明月照天涯。

檀波羅密亦如是。住相被雲特地遮。

○讀誦法華千部其及功滿修歎佛會

（龍山道白禪師）

讀經不啓上座數年以來。發大行願。坐禪作事之暇。讀誦法華千部。今及功滿。為修歎佛勝會。臨演普賢行願品。以伸供養。隨喜之餘。說偈慶讚。

信受奉行真供養。赤心片片不曾藏。轉經歎佛空陰界。  
灑水散花淨道場。實相現成三味果。法身具足五分香。  
重々借取普賢力。勸發猶修十願王。

○修觀音懺

七月

（瑞方面山禪師）

將謂煩襟秋至潔。難何餘熱苦其身。順緣既見龜氏舞。逆報未忘鷺子嗔。今滌大悲三點水。直除極惡十重塵。懺筵乘是清涼氣。願作吉祥安樂人。

○脩觀音懺法及施餓鬼法薦法明院智泉信尼。  
(元山道白禪師)

齋筵廣開甘露門。圓通疏決懺摩源。寶明空海湛無浪。萬派聲消月一痕。

○第參編 香語部之例

●祝聖拈香

○元旦祝聖

北闕陰々星聚邊。衣冠輻湊玉階前。珠簾半捲冕旒正。帶雪椒花籠瑞煙。  
(千丈實巖禪師)

○元旦祝聖

杯錫隨緣化外賓。也裁椒頌賀楓宸。請看變理真消息。鞭起土牛耕海津。  
(海津松代別名元旦明辛卯立春會在元旦)

○立春祝聖

玄冥解印謝殘年。青帝追符握化權。休道昇平本無象。柳梅漏色御簾前。  
(千丈實巖禪師)

○立春祝聖

千丈實嚴禪師

舊年未去迎新年。

(臘末)

新舊去來離變遷。時豐須唱

村田樂。叱起土牛加鐵鞭。

且道。

今上皇帝聖壽幾萬百千。

(奉香云)

天臺山與蓬萊島。佳氣通邊多瑞煙。

○冬至祝聖

千丈實嚴禪師

雪霽烟凝鈴鹿山。

(于時住勢)

條風徐動梳雲鬢。袈裟坐

沐明和澤。

(明和)

一炷心香奉聖顏。

冬至祝聖

千丈實嚴禪師

條風萬里催芳草。

淑氣千林倡早梅。幸作大池山裡客。

梅檀一炷祝蓬萊。

(天明六年冬在信州大池村大池山宗福寺戒會遇逢此日)

○乙丑歲旦祝聖

梅崖奕堂禪師

乙丑三元日。

山呼萬歲聲。

仁風行草偃。德澤涌潮鳴。

垂蔭扶桑樹。

泄香優鉢英。

恭惟千萬載。載々致昇平。

○歲旦祝聖

梅崖奕堂禪師

舜日輪圓照六坤。

堯風仁裕入千門。

心香爲祝南山壽。

萬國來朝萬乘尊。

○立春祝聖

梅崖奕堂禪師

天高群象正。海濶百川朝。

萬乘無邊德。春色美如瑤。

○元旦祝聖

善教普濟禪師

不是龍涎與返魂。

威音那畔固靈根。

千秋萬歲三呼後。

薰徹相酬。

皇帝恩。

○立春祝聖

總持寺時

(善教普濟禪師)

立春大吉最如意。鉛斧住山五十二。柏樹新榮趙州禪。  
梅花初發洞門瑞。

○元正祝聖

瑞鳳山東林寺時

(元山道白禪師)

新起祇園古法城。東林結果自然成。今朝資始祝。  
皇運。瑞鳳三呼萬歲聲。

●佛忌拈香

○佛誕生

(千丈實巖禪師)

綠楊含露碧巖前。相映花開紅杜鵑。清淨法身塵垢在。  
欲傾千曲(川名與犀川)。嘆。  
既是清淨法身。因甚猶說有垢有塵。  
(良久云)

唯嬰轉功還就位。

尊嚴須與父王均。

○佛誕生

(千丈實巖禪師)

一杓兩杓。驚頭洗却。不知塗汗。更幾重々。錯々。  
賓中主與主中賓。共會世尊降誕辰。(宿某處代主人)  
此日雨晴山映水。等閒灌浴紫金身。

○佛誕生

(祖繼大智禪師)

閻浮八萬四千城。不動干戈致太平。活捉瞿曇白拈賊。  
雲門一棒不虛行。

○佛誕生

(元山道白禪師)

三千刹界一華堂。百億須彌佛頂蒼。老瓦盆中香水海。  
把將北斗杓頭長。

○佛誕生

（記山道白禪師）

佛迎八字破三有，

水煎五香謝九龍，

唯我獨尊言有耳，

○佛誕生

（善教普濟禪師）

四月正當初八日，

至今帶累萬家人，

滿盆香水灌隨例，

○佛誕生

（善教普濟禪師）

微涼生處綠陰濃，

芍藥花開雨洒紅，

灌浴罍臺金色體，

○佛成道

（記山道白禪師）

雪嶺兮崔嵬，凍餓兮低摧，明星兮爛々，大地兮眼開，

臘天春信徧

微笑瓦瓶梅

○佛成道

（記山道白禪師）

飽坐雪山雪上霜，

久躡相好相中光，

昔聞禪者衣中虱，

○佛成道

（千丈實巖禪師）

今見金毛奮迅王，

衣虱金毛同一佛，

因緣時節沒商量，

○佛成道

（千丈實巖禪師）

龍章鳳姿，窈窕入山，驢腮馬頰，骯髒啓關，

賊路羊腸曲，偷心虎背班。

○佛成道

(祖繼大智禪師)

果滿三祇道始成，放光動地度群生。  
一聲鷄唱五更月，枕上誰人夢未醒。

○佛成道

(祖繼玄光禪師)

六歲波心曾叫喝，今朝方見海漫天。  
兒孫從是逐陽燄，誰識本源徹底乾。

○佛成道

(祖繼玄禪師)

今辰脚下明星現，須識諸人立處高。  
財物我家富如海，莫遊貧里競錐刀。

○佛涅槃

(祖繼山道白禪師)

一化電光過，臨此涅槃時。  
舍利弗等聖，感傷先拜辭。  
目連同取滅，不忍見其期。  
羅漢已如是，人天豈耐悲。  
栴檀煙斷後，碎骨爛流輝。  
勉奉木叉戒，用充孝順親。  
醫師喻在耳，何日又還來。  
慈父非欺我，我心醒悟遲。

○佛涅槃

(祖繼山道白禪師)

人々雖是父長者，有力誰能起故家。  
昔日如來三滴淚，至今未免濕袈裟。

○佛涅槃

(善教普濟禪師)

不曾生矣不曾滅，生滅去來同海漚。  
四五千條花柳巷，二三萬曲管絃樓。  
(曲一作坐)

○佛涅槃

(善教普濟禪師)

野外梅花清破玉。江邊楊柳暗垂絲。絃歌誰奏高樓月。春夜風光處々悲。

○佛涅槃

(祖繼大智禪師)

柳暗花明二月春。雙林示寂趣泥洹。兜羅綿布不能蓋。露出紫磨金色身。

○佛轉法輪日

(記山道白禪師)

八月秋涼朔八天。法輪先轉雜華筵。現成夜半正明句。日照高山最上巔。

●祖忌拈香

○少林忌

千丈實巖禪師

梁苑當頭多俊髦。會文解義拆秋毫。孰若神光三拜後。

無端熊耳一峯高。且道高多少。

青松露冷層雲外。莫比春風吹碧桃。

○少林忌

(臘朔祖師忌)

千丈實巖禪師

嘗與儲君歌國風。片岡山聳壓寰中。毫光射透扶桑外。富緒川流々不窮。巖上座向爲二豎。侵逼微躬不能隨。例燒香初冬臘朔云到。蘋藻再供俯冀饑貌。示視豎聽仰酬慈蔭。聊攀練公。(虎關和尚乃須考濟北集)且道靈鑑不昧如何感通。

生雲頑石踞銀虎。帶雪老松蟠玉龍。

○少林忌

千丈實巖禪師

九年摺住鐵牛機。天下無人敢是非。只合口邊生白醜。胡爲賣弄錦襴衣。(尋香云)



一枝無孔笛家傳曲。譜調依稀。

○少林忌

（記山道白禪師）

無手木人曾掉拳。澄潭不許毒龍眠。嵩山律々壓群嶽。  
大海洋々吞百川。獅子猛吼鷓鴣天。一華五葉唱單傳。  
挽回十月小春氣。香霧氤氳斷又連。

○少林忌

（記山道白禪師）

絕後蘇來不守棺。空留隻履太無端。白蒼血玉紅楓露。  
洗出平生赤肉團。

○少林忌

（記山道白禪師）

祖意東漸衣在棺。佛心天子辨來端。我今入市買胡餅。  
放手供時鐵一團。

○少林忌

（千丈實巖禪師）

已未十月四日。師方抵無名菴。不暇修初祖忌。大津牧野氏。  
以九日晚。普會社友。丕設供養。請師燒香。主人曰。僕因事不  
能隨例。設供五日。延迨于今。師進拈香云。

青山綠水祖師真。何日何時不忌辰。况比豐聰片岡會。  
占先數十有餘晨。且道祖師容納將何指陳。（真久云）

○斷臂

（千丈實巖禪師）

滿庭曬錦紅楓樹。爛熳濃於二月春。  
○斷臂 頭痛不能與衆入堂。千丈實巖禪師  
纔爲區々二豎侵。懶攀高躅覓安心。寒光照雪吹毛劍。  
千古教人仰少林。 咳。

○斷臂

（千丈實巖禪師）

千古萬古仰彌高。浮木盲龜沒夜濤。

○斷臂

千丈實巖禪師

曾師李老友，蒙莊恬澹，虛無談柄長。誤為胡僧熱瞞去，癩兒引伴滿扶桑。

更墮安心得體窠，曰：依然未離無何有鄉。

且道那邊喚作無何有鄉，那箇喚作離無何有底。

食久云岩底臥梅雖凍冽，一枝忽折曉風香。

○洞山悟本大師一千年忌，逮夜

辨盛奕堂禪師

洞上無雙老作家，縱橫推挽指南車。同途異轍誰能委，

獨笑春風五葉華。(詞云々) 喚。

千年古曲松韻潔，萬里蒼穹雁字斜。

○同獻粥

(同)

半肯半不肯，閉名指甚攸。應供唯這是，遲擬隔千秋。

○同午時

(同)

無情說法，答墨畫松。過水都影，不渠不儂。橫開五

位，三路走龍。閉名已謝，四海朝宗。響。

新豐調雅扶桑外，千歲流芳春色濃。

○開祖道元古佛五百五十周諱

雖正當年數，在於翌年。依例以今茲享和改元八月。從三十一

十六日。至二十八日。三日修供養者也。

(與龍玄樓禪師)

○二十六日早晨迎聖，空江無水不移月。芳草有花蝶自臻。請見老梅菴裡主。

莊嚴殿上現全身。

○二十七日午時獻供

同

曠昔降臨鼻孔端。即今瞻仰眼橫完。天童認得有公驗。不識爲誰被熱瞞。

○二十八日午時拈香

同

（拈香云）這香一炷氣煙即刻周。薰旋法界不遺陬。類曹山死貓頭貴。天下無人把價酬。

今日爲高祖佛法禪師當山開山道元大和尚。恭蒸向寶爐。奉以供養者也。右伏以。開山老和尚大禪師。

佛界眼目。祖門咽喉。

幼稚即得神童名。

更無等輩。

兒孫渾以古佛喚。

焉有匹儔。

夙觀無常忽謝村上脈。私辨落飾姑休橫川頭。自時厥後。數歲投建仁。深探濟門奧義。

万里登太白。

親得洞上徽猷。

創業興聖名藍。

興弘西方極聖道。

守成永平法窟。

永輔天下泰平籙。

籍々聲名。

震動三千世界。

滔々支派。

徧滿六十餘州。

若夫論爲人體裁。

十字街頭奪飢人食。

八福田上驅耕父牛。

加旃。

示殺佛機。

一宗死漢因是均活。

下磨斬手。 万象影子於中明淨。

正法眼藏滅却於瞎驢邊。 夜々月向西海沒。

大寂定門展開于活句下。 朝々日從東方抽。

龍之不肖也。 濫預傳燈。 得綜理此主席。

直盡粉骨。 可張皇其孫謀。

奈何強努勢末不穿魯縞。 鈍榜狀元空刻楚舟。

祇夜一章以備結局。 (柳一拂云)

五百年來五十秋。 德香依舊世間流。

人々鼻孔在唇上。 聞到博山應始休。

○總持開山佛慈禪師忌 (善教普濟禪師)

巴陵三轉語。 諸嶽一爐香。 報恩還無分。 年々閱青黃。

共惟本寺開闢。 敕賜佛慈禪師大和尚。

洞上的傳歷却未灰。 作家爐鞴妙密鉗鎚。

殺活自在。 全敲出四哲骨髓。

與奪縱橫。 能換却六兄胸懷。

諸聖不得摸索。 衲僧不着安排。

就父一徑。 玉殿生苔。

寶殿當風妙。 重々錦縫開。

同中有異。 易分雪裏梅。

異中有同。 難辨墨中煤。

的々分明皆得旨。 當人元自異中來。

再來末世真普應。 天上人間能幾回。

雖然與麼應時節報恩德一句作麼生(藥香云)

月到中秋滿 風從八月涼

○永平忌

(記山道白禪師)

鯨波橫截三千里 虎穴遍探四百州 洞水逆流年代遠  
一番感舊祖庭秋 暗懼正法眼藏滅 方寸搖々念未休  
大寂定門無壅塞 臨風昭告杞人憂

○永平忌

(四百五十年忌)

(記山道白禪師)

戒定慧香解脫香 沒量知見法身香 拈來打併紅爐上  
直下信通鼻孔長 噴地一番三昧起 氤氳煙際動清揚  
靈髓回薄煮嵩發 昭氣逼人難覆藏 憶昔月圓曾不寐  
蒲團到曉照心腸 奇哉最後倭歌詠 徧上口碑祭有光

五百未盈虛五十

時垂霜露感悽愴

願言祖苑老梅樹

秋晚返魂新吐芳

○永平忌

(千丈實巖禪師)

身心脫落也奇哉 空手還鄉長禍胎 夜半崑崙打斤斗  
天明沿壁上天臺 且道這裡一場供養祖師還來不來  
唵 丙丁縱奪真儀去 猶剩秋風撒土灰

(大澤此歲二月。諸堂回錄永祖木像作灰塵故此及)

○永平忌

(千丈實巖禪師)

怪石危岩碧澗流 白雲紅樹夕陽秋 相逢若問如何是  
黃鶴樓前鸚鵡州 (真久云)  
儘教鼻直眼橫語 喚作平常間話頭

○瑩山忌

(記山道白禪師)

今古定光現在前。婆娑松樹綠參天。圓明法眼無私照。祖苑增輝億萬年。

鼎新塔院彫莊尊像。屈請清衆揚供養雲。上來總是院主。做得底三昧。山僧分上將甚酬恩。

一香拈出須彌柱。佳氣氤氳覆大千。

●開山遠忌

○栽松開山無得悟和尚

(千丈實巖禪師)

海西法窟(太寧寺外門額)是棠陰。一段真風亘古今。代有鸞膠能續斷。廣陵散奏沒絃琴。

恭惟太寧二十九世法泉慈願及本開山無得悟老和尚。

盛德大業。

山高海深。

若欲虛空施五彩。金毛獅子無處尋。

只如諱景半百應供降臨。直得法泉一滴湛成巨浸。洪波浩渺遍界陸沉。如何奉重如何保任。

便得跳出魚腹。拗折珊瑚樹林。(頁久云)

箇々無視長者子。元來膝下有黃金。

○大光開山天德貞和尚三百五十回忌

(千丈實巖禪師)

扶疎丹桂雨中開。(六月六日預修也)穿却虛空鼻孔來。逐氣尋香多少客。拜瞻遺像動餘哀。

恭惟本寺開山天德貞老和尚。

超過聲緣苦三乘。波瀾洋溢禪海。

究盡空假中三諦。眼睛睥睨天臺。

滅後三百五十星霜。赤肉猶暖。

生前九十有餘福壽。玄風益堆。

且道即今應供底。將個什麼為驗。(良久云)

秋冷琵琶江三萬六十頃。倒浸七十有奇碧崔嵬。

○常松開山藏海龍和尚十三年忌。(長國十五世也)

(千丈實巖禪師)

(舉香云) 請看一片爛枯柴。無影林中收拾來。不向

人間論價直。等閒拈起附寒灰。(稱呼)

大辯如訥。沈默轟雷。

名實貫通。遊華藏莊嚴海。

龍象圍繞。稱宗門棟梁材。

即今。應供有路不掛羊頭賣狗肉。

照鑑無埃豈出馬腹投驢胎。

且道到底何處見得真箇風裁。(良久云)

東籬佳色重陽近。金蕊枝々帶露開。

○先師龍光開山和尚忌

(千丈實巖禪師)

憶昔巾瓶委質時。幾回瞞我爛藤枝。擒縱與奪將何比。

巖下風生虎弄兒。恭惟先師龍光開山老和尚。

前修模範。後進耆龜。

數退名藍

參于林下麋鹿

雖化塵累

潔于雪中鷺鷥

華藏世界遊心

朝明山頂蹙履

十三諱景居諸

雖移未曾移

百億分身照鑑

雖垂無所垂

金殿夜闌雲合張

玉壺天朗月臨池

三世十方

攝香水海於毛孔

七處九會

現法王刹於毫釐

即今安住那伽

當處慕過僧祇

且道以何為驗

咦

昨夜燈籠轉頭角

等閑觸破五須彌

○祇陀開山大智禪師忌

(記山道自禪師)

三百五旬彈指間

心存目想舊時顏

一聲獅吼動獅嶺

五色鳳章輝鳳山

須達布金維法地

祇陀施樹發禪關

齋筵直攪長河水

拈作醍醐洒海寰

○西來開祖心應空印大和尚忌

(與龍玄樓禪師)

一瓣爛柴爐上熱

個中香氣異尋常

釋迦彌勒不能識

無鼻孔人開始詳

爰供養西來開祖心應空印大和尚

以酬從前慈恩共惟其大和尚

禪林木鐸

苦海蘭航

全提少室微猷

一條白棒均接七衆



廣宣祇園妙義。

三寸紅舌普蓋十方。

豁達家風綿密々。

陰森道德露堂々。

次第住數處名譽。

如幽鳥遷喬木。

斬新開一邑靈地。

似召伯留甘棠。

榔漏雙跌。

竟示滅度。

袖收隻手。

忽卷化城。

獨謂全身難再覓。

誰知徧界不曾藏。

擲。

印破虛空深夜月。

放光何處不清涼。

●尊宿年回

○法藏寺越城和尚忌

千丈寶巖神題

借水獻花非偶然。

忌辰幾度咽香煙。

更逢大衍難迴避。

羊胛光陰付逝川。

伏惟

(稱呼)

應接機密。

寒溫談玄。

凡聖心灰。

不拘回互。

刀斧痕銷。

豈涉正偏。

應保期願壽量同彼金石。

何示變滅蹤跡類此雲烟。

一子分座(徒子梅元此時會為大澤首座)結聖制。

七回飯僧設齋筵。

今晨熱香。

借手於千丈子。

古山(法藏寺所在村)望境。

灑淚於九重泉。

且道真慈應供底正音端的落誰邊(食久云)。

萬壑雪對松樹頂。

幾群鶴宿玉階前。

○前天正院真月義天和尙三十三年忌

千丈寶巖禪師

眞淨界中無去來。

月穿潭底鏡當臺。

義方好比冬前雪。

天表峰巒削玉堆。

伏惟（稱呼）

夙馳道譽。

宜欽風裁。

蓋奮本院六世餘烈。

嚴整傾頽。

可稱末裔千古遺直。

恍似追陪。

粵以今茲九月十九日。

逆修明春三十有三回。

所以應請匍匐。

敢助換手植胸之哀。

雖則因齋慶讚。

愧乏借水獻花之才。

只得香雲蓋成五色。

結爲寶絲網遍九垓。

凜々眞儀。

何認鞍橋爲腮。

赫々靈鑑。

寧同弓影墮盃。

溪毛園蔬聊伸供養。

銀山鐵壁豈難迸開。

沒絃琴清星河夜轉。

夜明簾外須忘嫌猜。

無縫塔古山骨秋冷。

紫羅帳裏要答涓埃。

答涓埃也賓中有主。

不混與塵。

忘嫌猜也暗裏有明。

不關梯媒。

雖然與麼報恩是報讐是。

咦。奇哉。

咦。怪哉（舉香云）

看々壁上機梭動鱗甲。

燈籠驚起上天臺。

○退休後中興萬安禪師百五十年宿忌

（與龍玄樓禪師）

祖席中興禹力全。

功成名遂入黃泉。

消滅百歲一炊夢。

更駭邯鄲五十年。右伏惟。當山中興萬安英種和尚

大禪師。照心方鏡。度生牢船。

學海廣深。矜識量難計。道眼高朗。兮見性最圓。

入得八萬四千法門。普窮教乘。邊際。

翻盡一千七百公案。親探宗旨。別傳。

不啻興復祖席。齋々乎啓常法幢會。

赫々然握大僧司權。

竊視崑石居士。荷負中興次第。

大似正覺禪尼。歸依高祖因緣。

可謂。雲依龍吟起。風從虎嘯扇。

是以。寒巖致異艸繁茂。寶林看雜華新鮮。

况復。創立數十山梵刹。豁開幾萬頃福田。

龍也。幸無故障。解印兮是其護念所致。

偶有年回。豫會兮復何厚顏可前。

大千價直無力報。薰得速香一簇烟。

正恁麼時。要知中興大和尚聞得底事麼。(拂一拂云)

秋風蕭颯搖林木。波及前庭埃上天。

○成就院七世物現應和尚十七年忌

(千丈實巖禪師)

(拈香云)此香。產六成就之地。撲落非他物。

具二莊嚴之德。縱橫不是塵。

棄置則一瓣爛枯木。舉著則五分淨法身。

趙州庭前喚作柏樹也等間。說話西來。臨濟門下栽稱松苗也畢竟。標榜後人。現形應物周沙界。無限芬芳特地新。特地新為當院七世物應公大和尚。燕向爐中用伸供養。預修一十七回忌辰。伏惟大和尚。

以實為主。以名為賓。

參學妙用。文彩變化虎豹。

住山活計。金鎖掣斷麒麟。

可謂井視。馳々視井。堪見因徹果々徹因。

伏願。速起寂定。垂照鑑。再履徽號。物現應乘願輪。

且道垂照鑑。乘願輪底。即今將箇什麼指陳。(插香云)

楓林染得黃纈纈。秋色還濃二月春。

○淨福十一世戒澗蘇和尚七周忌

(千丈實嚴禪師)

梧桐楊柳色將闌。體露金風吹藥欄。不為尼嚴(山名)費紅粉。娘生飢骨與人看。伏惟。(稱呼)

襟抱灑落。機鋒團圓。

興廢名藍。輪奐殿宇鳳翥。

流芳雄席。聯綿爪呖龍蟠。

雙林雖生荆棘。特地變成栴檀。

栴檀自鬱密。霜雪難摧殘。

即今真慈照鑑底。如何稱揚讚歎去。(良久云)

轉盡無功伊就位。孤標不與汝同盤。

○海雲十六世天津梁大和尚忌

徒子良住設供 千丈實巖禪師

機前一著謝閑名。橋上杜鵑知幾聲。江月(海雲寺)泛波。

無影迹。海雲還鎖武昌城。(寺在武府)

且道遺弟設供真慈應請靈鑑不味如何證明(良久云)

瞎却鬪體眉底眼。燈籠携手沿牆行。

○前宗德大棟良泉和尚忌 (千丈實巖禪師)

撐破山陰雪夜船。(和尚時自石州還)歸來餘興嘯雲煙。即今篋

笠空留去。桔棟原頭明月懸。(當村近桔梗原)

伏惟大棟泉公和尚 嗣法渭信 受業月泉。

解印宗德。投老松川。

勒勳龍阜。垂名簡編。

即今爲我應供臨筵將箇什麼相見機前。啖。

春澗冰消多暴漲。落花逐浪綠楊邊。

○松巖寺法如和尚忌 (戒合中山千丈實巖禪師)

涅不緇兮磨不鄰。由來萬物自天真。和盤托出如女體。

徽號添多鈍置人。伏惟前往當院法如大和尚。

灑落精神。卓犖風采。

黃卷赤軸。曬眼却掃風塵。

白雲青山。卜隣匡領徒衆。

不管名利瑣々。只見文質彬々。

豈謂宿草維新。 虛憶傾蓋如故。

早晚再來。 共結東林社。

尋常三奠。 聊薦南澗蘋。

且道阿誰端的辨賓主。請看渠儂却來泯影迹。(插瓦云)

白頭子就黑頭父。 終日相視不識親。

○永平二代忌

(五山道白禪師)

妙把一毫穿眾穴。 長遊三昧越諸相。 逢々毒鼓猶餘響。

耿々法燈豈滅光。 接響續光誰不敢。 報恩酬德又何忘。

金風體露桂華隨。 添得爛柴些子香。

○大乘二代忌

(五山道白禪師)

年々三五中秋日。 歲々一回祖忌迎。 抹月批風供薄奠。

拈香擇火表卑誠。 金生麗水々常美。 玉在崑山々自瑩。

涅槃後相猶可觀。 叢林千古播嘉聲。

○大乘三代忌

(五山道白禪師)

雖是尋常枯木片。 拈來特地隔天涯。 聯芳熊耳二株桂。

分氣鷲嶺一朵華。 金鴨吐雲薰法界。 玉龍起霧濕河沙。

香光照徹眞三昧。 寶鏡臺前絕點埃。

○受業某和尚忌

(五山道白禪師)

老師遷化值年回。 瞻顧東方不耐哀。 路遠爭能行納拜。

日長聊爲坐馳懷。 試擊有漏筌中水。 遙洒無縫塔下苔。

只願御風從定出。 香雲影裏冷然來。

○成合愚白禪師忌

(五山道白禪師)

隱顯存亡德有隣。星移物換十三春。清風明月賓投主。明月清風主見賓。色裏膠青非假影。水中鹽味是真身。返魂變起香雲蓋。和氣氤氳機轉輪。相見了也。皎潔靈源櫻井派。又來洗却渴心塵。

○圓應華嶽禪師忌

(匡山道白禪師)

對揚大寂定中人。感應道交素有因。華嶽連天青未了。依然獨露法王身。只如感應道交那裏是因由處。偶來酬祖乾柴片。和氣氤氳八月春。

○大陽丹嶺禪師忌

(匡山道白禪師)

和尚步行騎牯牛。病僧空手取兜樓。大陽門下橋猶在。明月堂前水不流。相見了也。

蓮華葉裏藏身去。一炷煙中笑點頭。

○總持二代峨山和尚忌

(善救普濟禪師)

元氣未萌前。親得此短木。即今歸掌中。餘薰尚馥郁。伏值本寺二代和尚遠諱之辰。謹爇此香。以伸供養。恭惟真慈。虛立為道。無着為宗。

永平五代的孫。洞谷四世祖翁。

師資道合。古今無窮。

開法席則十方雲衲。來脫窠臼。嘗法味則三億衆生。仰摧幔幢。不勞最負之力。不涉造化之功。能所共盡。理事圓融。

位裡忘消息。機頭有變通。

那時退位。不守閑田地。

智不到處。寧爲安樂風。

樵父唱山歌。漁翁眠海宮。弱孫比丘善教今

朝因齋仰贊。伏望慈容。還有報恩底。一句麼（舉香云）

寒臥老蟾呼不覺。扶疎丹桂月朦朧。

○先師通幻和尚忌 （善教普濟禪師）

黃閣簾垂無侍臣。紫羅帳合少逢人。御筵花謝微涼動。

猶帶威音劫外春。共惟真慈。

提起總持無文印。道風扇三世。

激翻永澤不盡流。恩波溢四隣。

人天普應垂慈旨。溪山各揚利生因。

一棒定殺活。一喝分主賓。

象王蹴躓。獅子嘖呻。

抑揚佛祖之手段。高調焦尾曲。

接納衲子之鈎頭。多得赤梢鱗。

橫說豎說。河漢瀾翻太浩々。

把住放行。叢林氣和轉津々。

無心出岫雲。應響居谷神。

歷々機前雙照眼。堂々象外万年身。

幻化三昧。物我純真。

雖然與麼。即今知恩酬恩底。一句諸人還認得麼（舉香云）



一種心香薰刹塵。

○先師十七回忌速夜

(旃崖奕堂禪師)

老師臨滅示偈云。夢中說夢。六十九年。末后行脚。踏翻鐵船。嘆。閻王來也三十棒。正當十七回忌。獻龜湯。因和芳韻。以酬和熊恩。

一朝驚破雪堂眠。石爛松枯十七年。

為屈棒令閻老喫。槐安判夢又彫船。

○同午時 (師住壽應三十八年) (旃崖奕堂禪師)

夢中說夢打風顛。聖應無私鼻半邊。幻董閱星三十八。保齡欠一古稀前。清貧活計山形杖。末后臨行翻鐵船。鶴出銀籠不復返。閑名既謝更何宣。方々觀面無攸避。

為報栴檀一炷煙。

●亡僧年回

(石山道白禪師)

○實門顯公忌

生也全機現。何止生過半日。

死也全機現。要且死值十旬。

皮膚脫落顯真實。幻緣收藏歸法身。

慈孝感通。師祭弟子。

因緣和合。賓代主人。

三世諸佛不知有。大陽門下玉兔推輪。

狸奴白牯却知有。明月堂前金烏照塵。

直下存亡相見了。穗雲影裏笑容新。

○心空道明長老忌

（記山道白禪師）

從少侍吾有孝誠。如何厭世早貪程。藏身北斗光中坐。分影東山水上行。五點樓鐘搖曉色。七年夜雨弄春晴。存亡無限感傷意。一片心香燒返精。

○源高上座小祥忌

（善教普濟禪師）

（拈香云）此香得是威音未焚燒。收歸心裡沒商量。今朝忽爾親拈出。炙地薰天知見香。（稱呼）

妙明田地。一靈風光。

不觸着。不近傍。豎窮三際。橫亘十方。

的々無兼帶。明々不覆藏。

無彼岸而不到。無法味而不嘗。

有其根枝葉衍々。有其源波瀾泱々。

書寫一乘金文。善根山上月孤圓。

諷誦諸經神咒。功德林中花芬芳。

●亡靈年回

○雪嶺院傑心天英居士忌 （記山道白禪師）

英傑壯心難覆藏。凜然雪嶺倚穹蒼。寒威々地好消息。直得臘梅漏暗香。旦道臘梅暗香來。成山僧手裡妙香。

手裡妙香去。成臘梅暗香。暗香妙香是同是別。

山僧不用判同別。分付魂靈自主張。

○微妙院殿故黃門一峰充乾大居士忌

（記山道白禪師）

粼波海上返魂樹。一瓣能教精爽生。香霧氤氳沙界徧。  
薰風披拂法筵清。樓神常在西方土。應感却來北斗城。  
菅氏官梅微妙瑞。煮嵩餘烟轉添榮。

○心田慈水禪尼忌

（記山道白禪師）

慈水靈源明皎潔。心田種艸暗敷榮。如今明暗一條路。  
應供却來觀化城。正與麼時。

我有妙香名覺悟。薰穿鼻孔不容情。

○幻住院一電淨光童子忌

（記山道白禪師）

百年且暮日西斜。三十三回雷轉車。幻住界中何所見。  
電光一閃走金蛇。金蛇燦破玉人睡。不許瞋眠夢納些。  
拈出炎天梅藥片。元來放手是心華。

○慧林院芳雲慈光大姉三周忌

（記山道白禪師）

西風黃落止啼金。果熟慧林霜露深。寒雁喚醒三百夢。  
了然笑破去來今。

所以道。過去心不可得。現在心不可得。未來心不可得。心  
已不可得。生亦不可得。死亦不可得。只此不可得。亦不可  
得。正當此時。心本心無心。無心心又且如何。

慈光普照無方所。徧界分明是片心。

○玉峯宗珠大姉忌

（記山道白禪師）

淵產玄珠。水波含瑞。石包皓玉。山山吐光。中彌所在。  
外彪成章。此日孝子。開伊蒲供養席。即今老衲。拈祝。撮

和合香正與麼時。

悽愴感觸，煮蒿氣。一片真慈死，不亡。

○照京道高居士忌

川僧慧濟禪師

春日江城胡角悲。梅花落盡委泥時。愚人不識已成果。

五月吹黃子滿枝。

家門重五佳節。伏值稱呼卒哭忌之辰。齋僧諷經之次。剩

命小比丘某甲。焚箇朽木。令為覺靈。莊嚴報地。伏願。

憑茲聞香力。特地證無為。得向上巴鼻。

不歷阿僧祇。好箇劒刃上。死活本無私。

且問居士向死中得活。一句作麼生商量去。掃香云。

楊子江心一面鏡。盤龍飛動震坤維。

○本源院殿仁峯道智大居士七周忌

與龍玄樓禪師

拈香云。香嚴童子。圓通正因。一爐熱向。返魂維新。

爰當寺大越越。永井信州刺史大江直方賢公。此日就山

門。為先考修七周忌。資福山僧熱香次。配法誼八字。於每

句上頭。以製一律伽陀。以作般若船上指南。法絨下坡。不

走。快便難遇。大居士疾走上來。拂一拂云。

本是無生國裡人。源清徹底絕纖塵。

院中曾住諸侯位。服上今交古佛倫。

仁義正時情倍睦。峯巒高處月彌新。

道玄不用涉修證。智鑑圓明自入神。

○源海大姉忌 (百箇日)

(善教普濟禪師)

皮膚脫落一眞實。沈水返魂非此薰。親自胸襟拈拈了。更無聲色可呈君。今日值過去(稱呼)卒哭之辰。

恭焚這箇香。以莊嚴法筵。資助淑魂。又命僧侶修諸善因。

漸寫法華眞典。獨步於大乘之宗門。

頓寫金剛般若。長養於不壞之靈根。

大虛無際映雪寒月。大道無心出岫白雲。

現成作用。軌則不存。

是尼總持骨髓。是老末山心源。

妙明田地。覆蔭後昆。

雖然與麼向甚麼處安身立命去。(良久云)

寒梅一點芳心綻。喚起劫壺空處春。

○圓通禪定門忌 (善教普濟禪師)

圓通入理普門外。也是聞聲悟道宗。刹界三千香氣滿。

桂林吹葉一秋風。(稱呼)

脫盡廉纖。明中就位。

添借光彩。暗裡借功。

活卓々時無倚倚。玲瓏々處沒遺蹤。

今日當其遠諱。令山僧拈香脩追善佛事。還有薦嚴一句麼。

咦。

犀通半夜月。鶴夢千年松。

○源海大姉十三忌 (善教普濟禪師)

性海無風，法舟。群生濟度，恰同游。天寒帶得蘆花雪，罷釣漁父月下謳。

日本國北陸道加州白江庄人事。藤氏元機等今日今辰，伏值先妣某之遠忌，就本寺捨淨財，開法筵，供佛齋僧。山僧嘉彼孝順親切，而焚寶香，以證追善佛事。夫以某出家聽法，投誠祖室。

凡聖直截斷，男女共泯絕。

總持作略，末山古徹。

涅槃常寂性，曾不是滅。

圓明真實相，更無可說。

天曉橫白雲，水流和明月。

即今無邊岸之光景，以何為驗。(舉香云)

善哉聞香悉能知，過去未來親薰徹。

○慈雲院甘露法樹大姉初七忌

(曹源滴水禪師)

任手拈來香一瓣，弗同螺甲與龍涎。博山爐底通消息。

優鉢結花紫翠煙。

色即是空，捏聚則歸膚寸。

空即是色，展布則周大千。

願神秘訣，換骨真傳。

所以劉鐵磨機前聞著，穿過雙垂爪於瀉嶠室。總持尼格外嗅取，豁開蒲萄朶於少林筵。

其價值也。至尊至貴。

其芬芳也。最妙最玄。

纔受些子薰力。頓脫曠劫蓋纏。

維寶永七稔龍次。岑頑孟冬既望。大檀越龜井侯。值厥令女。兄慈雲院掩粧後首七之辰。乃就于本寺。營辦僧齋。勤脩法會。殊請山衲。慈這寶香。奉供養十方善逝。一切諸聖。所鳩殊勳。專為淑靈資助冥福者也。竊惟大姉

坤儀穆爾。懿德溫然。

早解月下赤繩子。免勞斷機和膽訓。

慣賞階上紫荊花。樂陪連枝同氣賢。

願他半生事業。却成一種清緣。

錦繡帳裏實際光明。長時不昧。

玉鏡臺下本來面目。當陽現前。

論甚麼佛界魔界殊異。被甚麼生縛死縛所牽。

直得鈍置娑竭宮中獻珠女。瞞殺毘耶室內散花天。

巍々乎。蕩々焉。

正與麼時頓證佛位超昇上品底消息。以何為驗。

玄音堪聽皇峯曉。甘考讓々滿地湔。







八字稱以後。隔對四。直對五。是一格也。

八字稱以後。隔對三。直對四。是一格也。

八字稱以後。隔對五。直對六。是一格也。此格筆力弱者不可用之也。

拈香全篇書香之事。有香語法語之二儀。香語述這香謂其香由來。用隔對直對。短長任意。次用結句。而有散說。又次用四六對。有祝語法語。先頌次散說。次輕隔句重隔句相雜。可用之。次結句也。又香語對用輕隔句散說對用重隔句也。

○小拈香式并圖

先書序次。可書頌次。又書散文。次用結句也。結句用直對一連。或用着語一句也。

山門 今月今日值(稱呼) 忌辰。陳獻供諷經等之事。次

頌 ○●○○○韻 ○●○○○韻 ○●○○○韻 ○●○○○韻

○●○○○韻 ○●○○○韻 ○●○○○韻 ○●○○○韻 ○●○○○韻

正與麼時(稱呼) 應供底之消息。將甚麼為驗。 唵。

○●○○○韻 ○●○○○韻 ○●○○○韻 ○●○○○韻 ○●○○○韻

結句 ○●○○○韻 ○●○○○韻 ○●○○○韻 ○●○○○韻 ○●○○○韻

今時吾宗所用香語等。大概用此格多也。

◎第四編 秉炬之部

●尊宿秉炬

○爲難波月江院九世聯道祖芳和尚

(以舊冬示寂以新春有葬式) (玄樓與龍禪師)

多歲扁舟千尺綸。難波江上釣金鱗。無端此夜踏翻去。餘得天邊月一輪。夫惟當院九世聯道祖芳大和尚。

寒巖(派)異艸。祖關(本)一鱗。

出格超方。不修邊幅。

應機接物。只事純真。

補佐本山。年內幾度跋涉七十二里水陸。

修理自院。生涯不措。抖擻二十八年精神。

是以同社感歎交際最睦。衆檀信服衛護備臻。

四十八法齡。先世尊說法之終也一歲。

五十六世壽。殿興聖滅度之時也兩春。

無病兮俄殂。閃電之光不能逐。

有跡而不顧。截鐵之機復自親。

此是諸人僉知有。如即今他火燄裏轉法身。示其要路涅槃。後現妙相稱之大人。畢竟以甚麼爲驗。響。

燒痕平野迎春後。芳艸青々日漸新。

○爲龍雲先住大咄和尚(與龍玄樓禪師)

不重己靈老倍輕。全身埋却謝閑名。尋常多是無隨伴。

(和尚好獨行年八十有餘而向)今日依然又獨行。

此是當山閑居大咄老和尚長逝行脚消息。夫共惟這

箇老和尚。磊落大器。矍鑠耆英。

應是為宗門義海。豈亦非末世法城。

戒香定香解脫香。香氣薰人使愛樂。

佛界魔界衆生界。界內隨處作盟主。

放去也人々露出己腦後光彩。

收來也箇々瞎却他頂門眼睛。

是以大挾猛虎威樽。萬仞虎嶽(虎嶽龍雲寺)煙雲常合。

全妄鐵牛機巧。一帶牛轡(師退龍雲寺)風月最清。

用舍行藏無因無必。褒貶輕重有權有衡。

轉轉々々時。兀々不動。

暗昏々々處。歷々分明。

平處以峻。峻處却平。

雖然與麼。此是陳年歷日。亦是陣後兵書。即今如他。行脚長逝。諸仁者且道。畢竟是為生抑又為不生。(喝一喝云)

莫杓卜聞虛聲。

○為大鋒五世陽元良泰和尚

(千丈實巖禪師)

(火把打)陽燄元來非是水。歛然野馬塵埃起。那邊一著

先鴻濛。不許才良論泰否。伏以。(稱呼)

不染汚胸襟。不變異操履。

韜晦寒鄉貧里。

接歡漁樵。

肥遯古寺間房。

逐群鹿豕。

慧光渾圓貫表裏。

道情澹泊絕親疎。

直得古湖寒泉含秋。

浪漲涯涘。

蘆華明月連泚。

舟轉軸轆。

即今雖似殘景桑榆。

往昔堪比成溪桃李。

不于去來生死。

豈涉回互正徧。

正與麼時大家還見和尚大人相麼（良久云）

昨夜前村雪月寒。

風香一點梅花蕊。

○爲前東昌本谷察玄和尚。

（千丈實巖禪師）

本然清淨谷神靈。空豁六窓曾不扃。玄路無門休察著。

鷺鷥踏月立寒汀。

伏惟（稱呼）

維持門庭。

毘盧風化。

夙稱西條（地名）的胤。

不墜嘉聲。

丕任東昌主盟。

有耀餘烈。

退而弔形影於光頭屋。

老而寄活計於折脚鐺。

自制佳城。

（手造）

人歎拮据才富。

預詣佛土。

（前一善光寺）

親識窟穿地成。

可謂縱遊戲於死生。卜比隣於來去者矣。且道即今閃電難。

逐如何覩破朕迹分明。（良久云）

山桃落盡春回去。

猶有子規枝上鳴。

○爲立川開山大徹和尚。

（善教普濟禪師）

懶鶯空轉無生曲。調入陽春奏沒絃。七十六年如幻夢。

東風驚起百花天。共惟當山開闢某大和尚

大禪師。洞家棟梁。苦海筏船。

與奪縱橫。不涉周旋。

拈槌豎拂。不屬正偏。

接物利生。赴感隨緣。

滿頭白髮忽離巖谷。半夜穿雲即入市廛。

生滅去來。更無所至。

遊戲道場。逍遙自然。

雖然恁麼。即今藏身處沒蹤跡。一句作麼生履踐去。

(以火把打一圓相云)

火光三昧轉大法輪。誰家竈裏道火無煙。

○爲玉龍三十二世大心天宗禪師

(稱巖奕堂禪師)

面壁九年坐少林。(師曾住信州少林寺九年)暗過摩水起龍吟。髓皮分

付無跡覓。隻履猶驚石女心。共惟(某人)

夜途北斗。霧海南針。

沒量大心。相機去粘解縛。

髓類妙用。信手點鐵成金。

半炊橫行六十州也。快弄無孔笛。

三載開示不二門也。(住玉龍三年臥病)閑彈沒絃琴。

蘿月松風雖和曲。行雲流水少知音。

雖然與麼宗公預遺囑使當布帶唱和聲外玄旨勿道知音  
不是頻々舉臨機受用也箇什麼禁且道謝却四大假合蓋  
陰轉身無碍履踐畢竟向何處追尋(拂一拂曰)  
丙丁煉出金剛體 觀錦山肩霜氣凜

●亡僧秉炬

○爲義山草庵主 (掩土) (曾源滴水禪師)

閻浮八十六星霜 特地醒回夢一場 大義山頭靈異艸  
無根枝上發天香 (稱呼)

化外清操 火裏芬芳

打破生死關 不假梅陽竹篋子  
擺撥佛魔縛 豈勞滹沱金剛王

舉手動足

總彰天真妙用

左顧右盼

直發本有靈光

佛海生海元無異味 淨邦穢邦何隔封疆

明歷々

截流機變沒窠臼

赤灑々

一超直入絕承當

正與麼時真歸路頭如何薦取

寂々惺々只麼去

壺中日月弄風光

○爲璋崑道珪上座

(川僧慧濟禪師)

大珪不琢自圓成 照破山河万朶明 今日機前擊碎看  
火星迸出怒雷轟 共惟 (稱呼)  
假借四大以爲一生 世緣已畢掉臂便行

掀翻煩惱海，  
踢例涅槃城。  
剝々無朕迹，  
頭々露眼睛。

捨事入理，則玉馬過關，方夜半。  
借位就功，則木鷄喚月，恰三更。

所以來々去々，  
妙用縱橫。

全無拘束，  
豈涉途程。

上來葛藤盡，是功勳邊事。且道末後一句，畢竟作麼生。  
日，肩上袈裟無一截，草鞋落地作金聲。

○爲一元春長老  
（五山道白禪師）

新々不住一元春，念々變遷百歲身。  
江上曲終天寂々，數峯晚色黑鄰皴。  
（某人）

參隨知識，  
抖擻精神。

不待洞水逆流，  
早領祖意。

要究果海淵庭，  
常修佛因。

死生事大如冤對，  
定慧機融似故親。

快鞭白象，  
策功勳分偏正。

倒跨烏龜，  
明兼中泯君臣。

做處已穩密，  
工夫自純真。

歸元一句如何爲宣。  
（拋火把云）

勝熱門頭無一物，  
桂輪依舊挂蒼旻。

○爲光山道曦上座  
（川僧慧濟禪師）

曦光照破迷雲散，  
心月孤圓不覆藏。  
自己山河無隔越。



本來面目露堂堂。

共惟新圓寂。(稱呼)

禪園種草。

洞川波浪。

徹自性本源。

透過生死淪溺苦海。

發一段靈光。

照破無明煩惱封疆。

蒲團芽生。

直回劫外春色。

柱杖花開。

不墜四時陰陽。

即今換骨奪胎一句。

作麼生的當露。

死中得活眼睛發。

火裏蓮華轉吐花。

○為宙峯道宇上座

(與龍玄樓禪師)

上座者羽州產而大藏靈醫林鷲尾寺圓山和尚剃度也享和二年春師得讓為弟子同三年正月十七

日於京師病死時二十四歲也

京羽出生篤實人。

歸依靈鷲做緇倫。

離鄉遊歷三千里。

屬我荷擔一兩春。

臥病辛酸蒙解脫。

轉身時節得來臻。

驚回二十四年夢。

今日始看宇宙新。

現前大眾伏乞下一轉語為他示饒行親(一轉語)各々下語

審的諦當。宇上座只恁麼薦取去。何故如是。(拂一拂云)

去年月尾有冬至。

勿怪春來寒氣頻。

○為佛國靈道上座

(栴崖奕堂禪師)

飛州洞雲寺徒從夏入臥病以七月十五日圓寂

佛祖安居已滿功。

還鄉獨奏暗抽身。

靈光一道難遮掩。

桂叢推秋碾碧空。

恭惟(稱呼)

洞雲令子。渭水罷熊。

綿々名實相稱，徐遊戲。三千佛國。

轉々機輪，敵忽震驚。八万魔宮。

丈夫出家雖異。大人境界是同。

病床九旬。幾弄維摩手段。

法門不二。堪看妙德家風。

其如示圓寂于金龍臺畔。

謝閑名於小立菴中。(移病床於小立庵寂)

畢竟雖憑王三昧得力。更須識有那一轉神通。

(舉大把云) 大千沙界香風起。火裏芙蓉吐藥紅。

○為祖岳石峰和尚。(迅雷鳴水禪師)

不留幻夢空華影。現出無生第一機。地裂天崩人不見。

石峯依舊鎮巍巍。新圓姿。(稱呼)

英靈眼目。洒落龍姿。

卒業支校專門學課。了畢僧堂辨道津涯。

志氣不耻古聖。精神壓倒今時。

有吾會裡。不離吾左右。

修吾大道。不背吾威儀。

實是世間棟梁材。誠哉祖門鳳凰兒。

嗚呼。一朝臥疾遂不起。只不親族本師不幸。使貧道老淚不

堪。可謂好花易落。好月易曇。上來者和尚。平常心是道。之活

三昧也。今日北斗藏身之一著如何。通便宜。食久云。

破鏡不重照。落花難上枝。

●在家引導

○為麗香院殿露含舞英大童女（千丈實巖禪師）  
麗香清芬已絕倫。豈同凡卉媚青春。無情說法般般別。  
開落昕昏感動人。伏惟新蚤世。（稱呼）

坤德全質。

歲朝降神。（元朝）

乳哺蘭室椒芳。

琴瑟在御。

遊戲綺筵錦帳。

歧疑超倫。

婆々和々則啼則咲。

噤々子々或喜或嘆。

不得物不得情。

為語未正。

可以寵可以愛。

無事不真。

適屬痘疹行時。

更會龍蛇建歲。

雖刀圭盡方術。

不免珠璣的礫綴遍身。

把金鎖扇深圍。

難使蝴蝶聯翩繼殘夢。

直得。遍界不存朕迹。

特地謝絕妃嬪。

洒々落々。

刹々塵々。

且道如何指點轉身活路。證據元來名是實賓。（良久云）

枝葉藏荏橫劫外。

人間咲殺八千椿。

○為心嶽道珠居士

（千丈實巖禪師）

體露金風一色秋。落霞孤鶩沒蹤由。那邊有路青山外。  
鸚鵡洲邊黃鶴樓。夫惟心嶽道珠居士。

身老吠畝。

跡寄林丘。

耕雲種月。

鐵鞭驚起泥牛。

牽黎拽把。

麻畚喝散雨鳩。

八十年活計。

可歸休時得歸休。

四箇城(名地)聲跡。

不風流處也風流。

所以有青蓮華開火裏。

無紅絲線繫脚頭。

水湛碧玉。

萬丈寒潭涵銀鉤。

波卷白練。

一江烟水送蘭舟。

直得百骸潰散盡離出沒。

一物鎮長靈絕去留。

雖然與麼即今轉身自在將何為驗(投火把云)

烈焰漲天風雨起。

元暉水墨盡滄洲。

○為蓮芳童女

(六歲亡)

(千丈實巖禪師)

五相何曾涉正偏。

嬰兒偶爾得完全。

非男非女非神鬼。

偏界噴芳一朵蓮。

夫惟新蚤世。

(稱呼)

養在深閨。

未離襁褓。

一動一靜。

必待父母之教。

一瞋一咲。

必有朋友之誘。

即今因甚不待父母之命。

不隨朋友之遊。

險崖撒手闊步那邊。

可謂閻弱童女却具大丈夫。

氣慨兼能老成人作用。

且道一靈真性落在那裏。

(良久云)

杜鵑啼血夕陽邊。

鳥鵲選枝明月前。

○為蘭室妙香大姊

(鼻巖冠名)

(千丈實巖禪師)

蘭叢馥郁吐芳時。室內孤燈明暗離。妙轉機輪音象外，  
香風八面只麼吹。夫惟（稱呼）

若能恁麼體解。若能恁麼了知。

五障三從能守一節。

三途八難不泣多岐。

淨極光通達也。鯨吞海水盡。

却來觀世間也。露出珊瑚枝。

可謂。內無聚蠅之絲。外無繫蟻之絲。

其或未然。有個向上轉身。一路不免為汝指揮。（投機云）

解脫門開。雲吐月。森羅萬象共相隨。

○為寒寧智谷大姊

千丈實嚴禪師

雪覆千山。簷爛銀。孤峯不白出埃塵。普賢毛孔許多洞。  
一色光中好轉身。夫惟（稱呼）

背塵合覺。捨忘歸真。

早執春日饋南畝也。麋鹿成隊。

老弄兒孫處北堂也。虎豹為隣。

七十八年雖順世相。五障三從不昧天倫。

即今龍蛇蟠翻。荆棘林中開活路。

丙丁童戲。爐炭堆裏轉法輪。

直得。慕過劍樹刀山。證得四智三身。

且道。因個什麼。便得恁麼。（投火把云）

平野驚風灰燼冷。爐中煨出玉麒麟。

○為玉山藍水居士

千丈寶巖禪師

藍水遠從千澗落。玉山高並兩峯寒。那邊淨極光通達。莫作宴遊詩客看。(稱呼)

若能恁麼信得及。恁麼透得徹。

直下。掀翻跋提河。擊碎娑羅林。

說甚鑊湯爐炭。論甚劒樹刀山。

雖然與麼。金屑之貴入眼成翳。

醍醐之美和鴆為毒。

所以道。前行不到猶迷己。末後纔過却借功。還委悉麼。(良久云)

清風吹雨紅爐冷。洗却從前熱肺肝。(時會)

○為悟菴貞心大姊

(冠名)

千丈寶巖禪師

悟中迷與迷中悟。菴外交參菴內人。貞實長存無影樹。心華開發劫空春。(稱呼)

本來固有底事。非實非虛非妄非真。

素離男女之相。豈屬凡聖之因。

即今脫却閨中臭皮袋。撥轉鑊頭大法輪。

清風八面拂炎熱。黑山萬仞作微塵。

冷湫々。說甚鑊湯爐炭。

淨躑々。論甚嫉妬貪瞋。

且道。即今如何指陳。(良久云)

金銷銀鈎留不住。丹霄獨步玉麒麟。

○為心田妙種信士

千丈實巖禪師

不待威音空劫春。心田妙種自鮮新。鋤耨銍鉞耕耘外。嘉穀秋成別有辰。

夫惟 (稱呼)

無懷氏民。葛天氏民。

社舞村歌。不知三皇五帝。

蟲茶淡飯。解叫西舍東隣。

直得。不通凡聖。把斷要津。

說甚阿鼻依正。論甚苦海沈淪。

雖然與麼。即今因行掉臂。向上一路。如何指陳。(投炬云)  
烈焰漲天。春雨裏。白灰混出玉麒麟。

○為德隱立甫居士 (醫生) (石山道白禪師)

春盡杏林華委苔。夏回橘苑綠成堆。法身無相本無病。放下藥囊歸去來。  
夫惟 (稱呼)

結跏入龍定。參禪斷狐猜。

肘後懸符。奪却佛祖命脈。

手裏得妙。殄滅人天禍胎。

氣海湛一輪明月。胸宇絕半點塵埃。

快活快活。善哉善哉。

雖然與麼。猶有未後牢關。在我今為汝擊開。(拋火把云)  
虛空無內外。石女舞三臺。

○為本覺道心信士 (點室淵公題) (石山道白禪師)

始本元來同一覺。悟迷無迹道心通。君家幸有法王子。

珍重報恩傾孝衷。

共惟（稱呼）

歸佛非倮。

脩禪有功。

將百年生死身。

擬兔角杖。

了億劫顛倒病。

知客盃弓。

不願三禪妙藥。

祇貴一念圓融。

這箇是信士船上月。

那個是山僧帆中風。（良久云）

三三元是九。

炬火亘天紅。

○為捨權院實慶自樂居士

（正山道白禪師）

欣生厭死是凡情。

取實捨權亦化城。

時節因緣真慶快。

擔頭蒸折覺肩輕。

夫以（某人）

不貪蠅頭利。

寧存蝸角爭。

寓樂於筆硯間。

寫書滿架。

辨味於熊魚外。

挑菜在鐺。

平昔行藏無罣礙。

即今遊戲任縱橫。

遊戲任縱橫底一句作麼生。

添得曉風殘月外。

火光三昧照前程。

○為南昌院天祐慈真大姊（華鏗正山道白禪師）

寶剎雪糝千樹銀。

不勞三變土田新。

南昌故郡洪都府。

幻化空身即法身。

夫惟（稱呼）

真慈天亦祐。

博愛物能馴。

西域老婆避佛來還看觸目皆佛。

北方大姊欽神格軒知滿腔總神。



滿腔總神。重々關鎖一時啓。

觸目皆佛。朶々湖山千古岫。

中無別路。何處著埃塵。(卓錫頭云)

鑿頭有力佳城現。大地平沉不見人。

○爲綠樹院慈山淨光居士

(舉錫) (記山道白禪師)

綠樹陰濃夏日長。樓臺倒影入池塘。蟪蛄觸折泥牛角。

杜宇愁傷木客腸。有漏笊籬重脫底。無銍鑿子頓生光。

慈山々頂似招手。人自途中歸故鄉。伏惟。(稱呼)

畢竟無所從來。如何亦有所去。即今面目現在。且道是存是亡。

水晶簾動微風起。滿架薔薇一院香。

○爲知新院眞源房雲居士

(掩土) (記山道白禪師)

生不是生。四大假合。死不是死。四大假離。生死本無相。

離合自有期。恭惟。(稱呼)

存日既領前旨。即今更聽我辭。

溫故知新何所爲。涅槃路上絕他歧。

臨行磨了吹毛劍。直截根源莫討枝。

信得及麼

輕雲一片那邊過。風拂太虛月落時。

○爲秋光涼心信女 (記山道白禪師)

秋氣動情，客念鄉。回光返照，促行裝。離筵爲奏，無生曲。

火裏紅蓮，朵朵香。夫惟（稱呼）存敬內直，履義外方。

百年一場夢魂，何勞把捉。

三界九地業幻，正好銷亡。

跳出五蘊窟，掀翻四大牀。

究竟真的如何商量。（拋火把云）

西風吹面過，殿閣生微涼。

○爲義天永忠居士（曹源滴水禪師）

業鏡高懸六十年，當陽照鑑在機前。無端特地擊摧了。

孤月依然朗義天。（稱呼）

松城耆舊，津府英賢。

曾參一大緣，傳戒脉於補陀老祖。

密持三字咒，承立誨於寶樹枯禪。

是真法炬，頓消除長夜幽暗。

是真智劍，蕪斬斷曠劫蓋纏。

所以非假舟楫，遊戲薩波若海。

不涉階級，逍遙般涅槃山。

塵々解脫，物々如然。

幻化空身即法身，毛端吞巨海。

無明實性即佛性，火裏汲清泉。

正與麼時更有願神妙術，爲居士示長養（良久云）

八臂那叱攔不住。崑崙蓋過妙高嶺。

○為無底鐵船居士 (曹源滴水禪師)

生鐵打成無底船。藕絲孔裏浪滔天。當陽載得浮幢刹。舞棹威音那畔天。入名。於是頓領幽旨。

法々圓融。斐相國傳心於黃檗。

塵々解脫。陶醉漢皺眉於白蓮。

將謂先天地有物。元來離淨邦無禪。

逍遙竹素園則。毛錐松腴真般若。

參尋劒刃句也。石火電光王三昧。

即此世間相。不離向上玄。

七十年前。以不生為生義。寒雲抱幽石。

七十年後。以不死為死義。火裏汲清泉。

真俗不二。去來任緣。

即今轉關一著重。為舉揚。

海底泥牛驚破夢。烏藤頭上打鞦韆。

○為仙巖王樹居士 (曹源滴水禪師)

斬斷一條荆棘叢。縱橫揮得金剛王。無陰陽地無根蒂。

玉樹花開劫外香。入名。

直下信得。豈駐電光。

八萬塵勞。眼華畢竟無開落。

三千剎界。乾城何曾立封疆。

高超迷悟。遙絕存亡。

竹雨松風。彈出無生秘曲。

澗月山雲。發揮不味靈光。

是非兜玄國聽取。豈用蒲萄朶看詳。

玄々々處。非思量。

了々々時。沒巴鼻。

正與麼時臨行一著如何分付。

地神拈出虛空策。三脚驢兒弄蹄行。

○爲月桂院靈光寂照大姉（曹源滴水禪師）

光明寂照遍河沙。月在青霄嫩桂花。一念不生全體現。

六根纔動被雲遮。恭惟（入名）

出沒聚沫。去留南柯。

性無染淨。文殊度五障龍女。

緣離好惡。慶喜逢四果登伽。

十方不出方寸。三世只屬剎那。

所以。朶々湖山。總是西方菡萏國。

重々煙樹。無非天上兜率陀。

淨躰々無拘束。赤洒々絕聲僞。

更有還鄉一句。無位真人赤骨律。虛空特地念摩訶。

○爲寶溪宗參居士（曹源滴水禪師）

無根樹上雲片片。不響山中雨淙々。寶參實悟思議外。

觀體現前彈指中。（稱呼）

直下領取。莫涉從容。